

四庫全書考證

一七



舊



叢書集成



商務印書館發行

國家圖書館典藏
由國家圖書館數位化



四庫全書考證

(七十)



08247
1437
17

四庫全書考證卷四十一

史部

通典

東漢會要



四庫全書考證 卷四十一

一六四七

007487



00484

通典

卷一 食貨一

上地家七人注。止以七人六人五人爲率者。有夫有婦然後爲家。刊本止訛正。據別本改。乃經上地而井牧其田野。注九夫爲牧。二牧當一井。刊本二訛而。據別本改。

司徒石苞奏州郡農桑未有殿最之制。宜會掾屬令史有所巡幸。案巡幸晉志作循行。孝文太和元年詔曰。今東作旣興。人須肄業。刊本肄訛肆。今改。寡婦守志者。雖免課。亦授婦田。刊本授訛受。據別本改。

諸宰人之官各隨匠給公田。案匠一本作廡。

卷二 食貨二

京城四面諸坊之外。二十里內爲公田。刊本坊訛方。據隋志改。

內職事官一品以下。逮於羽林虎賁。訛本內訛戶。據隋志改。虎沿唐諱作武。今改。後同。八品以下至庶人六十人。刊本下訛上。據隋志改。

亦旣無田。卽便逃走。刊本便訛使。據別本改。

隋文帝令自諸王以下。皆給永業田。多者至百頃。少者三十頃。案三十頃。隋志四十頃。

京官又給職分田。一品者給田五頃。案別本五頃下有每品以五十畝爲差八字。

黃小中丁男子及老男篤疾廢疾寡婦妾當戶者各給永業田二十畝。案男子一本作男女。

史起爲令民僕歌之曰終古烏鹵兮生稻梁。注謂鹹鹵之地。刊本脫鹵字。據別本增。

杜元凱上疏曰今者水災東南特劇非但五穀不收居積並損。案積晉志作業。又旣以水爲田當特魚菜

螺蚌。案田晉志作困。

遵縣領應佃二千六百口。可謂至少。而猶患地狹不足肆力。此皆水之爲害也。刊本猶訛無。又都督度

支方復執異。非所見之難。直以不同害理也。刊本脫同字。並據晉志改增。又長史二千石躬先勸戒。

案晉志戒作功。

後魏刁雍上表曰臣請於河西高渠之北平地鑿渠。刊本脫地字。又卽循高渠而北。刊本循訛修。並據

魏志增改。

卷三食貨三

序以明教庠則行禮而視化焉。刊本明訛名。據別本改。

人各有桑土之懷。下役之慮。斯誠并兼之所執。而非通理之篤論也。刊本誠訛成。據晉書改。

樂毅宦燕。見褒良史。案宦晉書作官。

屬役無漏。流亡不歸。漏據南齊書作滿。

卷四 食貨四

元鳳四年出口賦注。民年七歲至十四出口賦錢人二十三二十錢以食天子。其三錢者武帝加口錢以補車騎馬。刊本三俱訛。二據漢書注改。

卷五 食貨五

第九品及舉輦跡禽前驅。刊本脫及字。據隋書食貨志增。

殿中虎賁持錐斧。刊本錐誤雄。據隋志改。

租米五石。案隋志此下有祿米二石四字。

又丁女並半之。案隋志此下有男女年十六以上至六十爲

丁十二字。

大縣六班。小縣兩轉。方至一班。品第既殊。不可妄載。刊本上縣訛郡。妄訛委。據隋書食貨志改。

多者及下戶。刊本複衍戶字。據隋書食貨志刪。

豐年則全賦。中年半之。下年一之。案隋志一作三。

卷六 食貨六

天寶元年赦文。其侍丁孝者。假免差科。刊本孝訛老。據新舊唐書改。

西平郡貢牝犀角十隻。刊本犀誤解。據唐書改。

隴西郡貢秦芫。刊本芫訛膠。據別本改。

永陽郡。今滁州。刊本滁訛浙。據唐書改。

吳郡。貢魚子五升。刊本魚訛春。據唐書改。

會稽郡。貢交梭綾十疋。刊本梭訛機。又脫綾字。據唐書改增。

新定郡。貢文綾二十疋。刊本文綾訛交櫻。據唐書改。

桂陽郡。今郴州。刊本彬訛柳。據唐書改。

潯陽郡。刊本潯訛泉。據唐書改。

洪源郡。貢蜀椒一石。今黎州。刊本黎訛當。案唐書洪源郡作黎州。江源郡作當州。黎州洪源郡則貢升麻。

椒。廩江源郡則以地產當歸。地名當州。今據改。

江油郡。刊本江油二字互倒。據唐書改。

歸誠郡。刊本誠訛城。據唐書改。

卷七食貨七

漢桓帝永壽三年。戶千六十七萬七千。案六十册府元龜作六百。

唐高宗永徽元年。高履行奏。隋大業中。戶八百九十萬。今戶三百八十萬。案册府元龜九十作七十。八十

萬。作八十五萬。

裴冕等二十九人。並攝御史。分往天下。注。韋洽。刊本洽訛治。據唐書改。

融又上言天下所檢責客戶案此奏一作裴耀卿

卷八食貨八

太公九府圖法注圖謂均而通也刊本均訛內據唐書注改
人有若干百千之數矣刊本千訛千千訛十據管子改
周郭其下令不可磨取銘焉案下漢書作質
致富之道寶假於錢刊本富訛之據別本改

卷九食貨九

宋文帝元嘉七年立錢署法刊本署訛置據宋紀及册府元龜改
刑雖重禁姦弊方密案宋書作刑禁雖重姦逐方密
大唐武德四年鑄開通元寶錢刊本通元二字互倒據册府元龜改

卷十食貨十

賈誼上疏曰輸將繇使其遠者不出五百里刊本出訛在據册府元龜改
若以門兵造船便爲闕彼防禦刊本禦訛城據魏書改
令州郡綱典各受租調於所在然後付之十車之中刊本中訛牛據魏書改
若船數有缺且賃假充事刊本數訛所據魏書改

裴耀卿奏曰。臣請於河口置一倉。納江南租米。案南冊府元龜作東。

管子曰。禺筮之商日二百萬。十日二千萬。一月六千萬。萬乘之國正九百萬也。刊本脫國字。據管子增。

卷十一 食貨十一

漢孝武天漢三年。初榷酒酤。注。如道路設木爲榷者。刊本脫設字。據別本增。

自東晉至陳。淮水北有大市百餘。小市十餘。刊本百訛自。據冊府元龜改。

司馬遷曰。夫山西饒材。刊本材訛林。據史記改。

二千一百萬之家。卽二十萬。而更繇租賦出其中。案史記二千下有戶字。

牛千足。羊彘千雙。刊本雙訛隻。據史記及漢書改。

關中富商大賈。大抵盡出諸田。刊本富訛宿。據史記及漢書改。

盡推理去就。與時俯仰。案推理。史記及各本皆作椎埋。

田農拙業也。而秦陽以蓋一州。刊本農訛畝。據史記改。

掘塚姦事也。而曲叔以起。刊本曲訛田。據史記改。

莽乃下詔曰。夫周禮有賒貸。傳記各有幹焉。刊本賒訛餘。焉訛馬。據周禮及漢書改。

五穀布帛絲綿之物。周於人用。刊本之訛衣。據漢書改。

洛陽薛子仲。張長叔。刊本叔訛督。據漢書改。

布帛爲租。則更多姦盜。刊本更多訛利吏。據後漢書改。

卷十二 食貨十二

管子曰。智有十倍人之功。愚有不廢本之事。注。廢猶償也。刊本償訛賞。據管子注改。

桓公問於管子曰。吾欲守國財而無稅於天下。刊本脫財字。據管子增。

昔武王有巨橋之粟。貴糴之數。刊本糴訛糶。據管子改。

桓公曰。齊西水潦人饑。齊東豐庸而糶賤。刊本糶訛糶。據管子改。

北郊有堀闕得龜者。此檢數百里之地也。注。以此龜爲用者。其數可比百里之地。刊本此訛比。可訛百。據

管子注改。

請以珣爲質。以假子之邑粟。刊本質訛質。據管子改。

使其墻三重。而門九襲。注。先託築城。刊本託訛記。衍其字。據管子注改。

魯梁之民俗爲緇。注。緇徒奚反。刊本徒訛陵。據管子注改。

故見予之形而不見奪之理。故民愛可洽于上也。刊本愛訛憂。據管子改。

王霸之君去其所以強求。刊本王訛五。據管子改。

穀石二十錢。則大男有八十之籍。刊本脫錢字。據管子增。

是人君作發號令收稽而戶籍也。刊本稽訛種。據管子改。注並改。



市絲綿綾絹布米大麥江州五百萬。刊本綾訛紋。據冊府元龜改。

卷十三選舉一

待詔。或郡國貢選。公車徵起。悉在焉。刊本選訛送。據漢書改。

光祿勳。復於三署中銓第郎吏。刊本銓訛詮。據漢書改。

其令州縣察吏人有茂材異等。案縣漢書作郡。

令二千石謹察可者。當與計偕。刊本令訛者。據冊府元龜改。

後漢光武十二年詔三公舉茂材各一人。廉吏各二人。刊本二人訛一人。據後漢書百官志改。

卷十四選舉二

中正輩擬比。隨次率而用之。刊本正下衍所字。據魏志刪。

周朗上疏曰。男子十三至十七皆令學經。十七至二十皆令習武。案下十七。宋書作十八。

每在三年之內各舉一人。案三北齊書作二。

後周宣帝大成元年詔。州郡舉經明行脩者。上州上郡歲一人。案冊府元龜作上州上郡歲二人。下州下

郡歲一人。與此異。

卷十五選舉三

李元瓘上言。生徒教業。必事資經遠。則斯道不墜。刊本徒訛人。據冊府元龜改。

每經帖十。取通六以上。免試經策十條。刊本脫通字。據册府元龜增。以所習經掩其兩端。中間惟開一行。刊本惟開二字互倒。據册府元龜改。試說文。字林。凡十帖。口試無常限。案册府元龜無口字。

自武德以來。明經惟有丙丁第。進士惟乙科而已。刊本脫丙字。據册府元龜增。置十銓試人注。魏明帝嘗卒至尙書省。陳矯跪問曰。陛下欲何之。刊本跪訛詭。據唐書改。

卷十七 選舉五

唐劉祥道奏。稽古之業。雖則難成。斗筲之材。傷於易進。刊本則訛信。據唐書改。

其行署等私犯下第公坐。下下。雖經赦降。情狀可責者。亦量配三司。案唐書作其行署私犯公坐。情狀可責者。雖經赦降。亦量配三司。與此異。

乾封八年。上列侍臣。責以不進賢良。案別本八作二。

張九齡上書。其餘縣令以下。固不可勝言。刊本脫可字。據監本改。天下雖廣。朝廷雖衆。士之明賢。誠可知也。刊本明訛名。據監本改。彼身言及書。豈可同爲銓序哉。刊本彼訛比。據監本改。

卷十八 選舉六

評曰。昔者唐虞皆訪於衆。刊本者訛有。據監本改。

卷十九職官一

棄作后稷。刊本脫作字。據漢書增。

五監注。少府將作。國子軍器都水。刊本子訛。予今改。

官數。唐六十員。一本下有虞十六員四字。

卷二十職官二

三老五更。昔三代所增也。案昔。監本作者。

漢制三公不與盜賊。若領兵入見。皆交戟。叉頸而前。注。魏武破張繡。入覲天子。亦行此制。汗流浹背。刊本

浹訛。洽。據別本改。

晉初置三上公。注。惠帝天安元年。以齊王冏爲太師。刊本天訛大。據晉書改。

卷二十一職官三

北齊乾明中。置丞相。清河中。分爲左右。刊本複衍中字。據監本刪。

散騎常侍。後魏北齊位在中書之右。其資叙爲第三清。注。明毫曰。臣本官常侍。是第三清。今授武勇。其號

至濁。刊本勇訛通。據監本改。

大唐武德初。爲內史令。注。常有勅。而中書門下不時宣行。高祖責其遲晚。刊本晚訛由。據監本改。

中書侍郎。皆置四員。及江左初。又改爲通事郎。刊本又訛右。據監本改。

卷二十二 職官四

都堂居中左右分司。注。舊尙書令有大廳。當省之中。今謂之都堂。刊本今訛令。今改。
尙書左丞兼糾彈之事。注。崔洪曰。我舉郗丞而還。奏我此挽弓自射之謂也。刊本謂也。訛所謂。據別本改。
元嘉以後有二十曹郎。注。元嘉十八年增刪。定曹郎。卽魏世之定科郎也。訛本複衍郎字。據監本刪。

卷二十三 職官五

魏改選部爲吏部。晉與魏同。注。江霏爲選官。霏音彬。刊本彬訛林。據韻會改。

大唐龍朔二年。改吏部尙書爲司列太常伯。案二。唐書作元。

考功郎中一人。注。宋元嘉三十年。又置功論郎。刊本脫上字。功訛公。據宋書百官志增改。

郎中一人。注。武德初。改爲禮部郎中。刊本德訛帝。據監本改。

屯田郎中一人。注。柳彧爲屯田侍郎。刊本柳彧訛補彧。又時制三品以上。門皆列戟。刊本制訛以。又

類聞而歎服。刊本歎訛戰。並據隋書改。

卷二十四 職官六

後漢以來。謂之御史臺。注。蔡邕以侍御史轉侍書御史。刊本侍訛持。據後漢書改。

北齊瑯琊王爲御史中丞。注。高道穆爲御史中丞。壽陽公主行犯清路。以赤棒呵之。刊本以上衍執字。棒

下衍卒字。據監本刪。

後周有司憲中大夫二人注。上嘗謂崔隱甫曰。卿爲大夫。深副朕意。刊本意訛委。據監本改。

內供奉二員注。庶僕臺例占闕者得職田。刊本得訛傳。據監本改。

監察御史。初秦以御史監理諸郡。謂之監察御史。漢初罷其名。刊本脫下御字初字。據監本增。

裏行五員并監諸軍出使等注。此來御史監軍。乃有控制軍中大小之事。非所以委專征也。刊本征訛往。據監本改。

卷二十七職官九

寺人注。掌王之內人及女宮。刊本宮訛官。據周禮改。

內常侍注。寶應元年。勅諸道州所承上命。不得輒便。信使宣勅。卽遵行。刊本輒訛懸。據監本改。

後漢大長秋屬官有中宮謁者三人。刊本三訛二。據漢書百官志改。

凡中書謁者。尙書令。僕射。中常侍。刊本射訛侍。據後漢書改。

丞漢有六人注。其後損益。刊本後訛有。據監本改。

置五經百名。刊本名訛石。據監本改。

書學博士注。鳳閣侍郎王方慶曰。臣七代祖僧綽。刊本僧訛曾。今改。

卷二十八職官十

魏獻子衛文子並居將軍之號。注。文子爲衛之將軍。名彌牟。刊本彌訛稱。據禮記改。

卷二十九職官十一

魏以司馬景王爲大將軍。置掾十人。別無屬官。刊本別訛。則據監本改。
征東將軍注。以張遼爲之。刊本脫之字。據別本增。

卷三十職官十二

咸亨元年。贊善大夫別自爲官。皆掌侍從翊贊。刊本贊訛養。據監本改。

卷三十一職官十三

十九關內侯注。如淳曰。列侯出關就國也。刊本也訛侯。據監本改。

卷三十三職官十五

天寶元年。改州爲郡。注。義寧二年。罷竹使符。頒銀兔符。刊本免訛兔。據監本改。

卷三十四職官十六

通議郎注。散官直。刊本直訛置。據監本改。

將仕郎注。許練通時務者。始得參選。刊本練訛揀。今改。

卷三十六職官十八

五命賜則注。五命賜之以方百里二百里之地也。刊本脫地字。據監本增。
第七品。太中中散諫議三大夫。刊本太中訛太史。今改。

卷三十七職官十九

第五品給事中黃門刊本脫中字據宋書增

十五班領護軍將軍刊本脫上軍字據隋書增

十一班秘書監刊本監訛郎據隋志改

大中大夫刊本中訛子據隋志改

十班大匠卿刊本脫卿字據隋志增

八班皇弟皇子之庶子府長史案隋志此下有司馬二字

五班皇弟皇子湘荆河司益廣青衡七州別駕案隋志荆河作豫

四班嗣王國郎中案隋志此下有令字

三班嗣王庶姓北徐北兗梁交南梁五州別駕刊本南梁訛南兗據隋志改

二班皇弟皇子國常侍刊本弟訛帝據隋志改

武騎常侍案隋志此下有材官將軍四字

七班太子家丞案隋志家下有令字

二衛中員外將軍案隋志二衛下有殿字

六班嗣王庶姓湘荆河司益廣青衡七州西曹祭酒刊本庶姓下脫湘字據隋志增

五班。皇弟皇子公府東督護。案隋志東下有曹字。

太常五官功曹。案隋志此下有石頭戍軍功曹六字。

四班。庶姓節府板行參軍。案隋志節上有持字。

三品。蘊位細作令。案隋志此下有導官令三字。

正廚丞。刊本正訛平。據隋志改。

三品。勳位門下集書主事。通正令史。刊本事通二字互倒。據隋志改。

十四班。案凡將軍加大者唯至貞毅而已。刊本凡訛九。據隋志改。

十班。和武案。武隋志作戎。

卷三十八 職官二十

第五品。越桂霍寧等十五州刺史。刊本脫寧字。據隋志增。

第八品。武衛常侍。案衛隋志作騎。

第九品。梁秦司南徐等州別駕中從事史。刊本等訛梁。據隋志改。

正四品。三等鎮將軍。案隋志無軍字。

從四品。左右備身正都督。刊本都督訛督軍。據隋志改。

從五品。三公府掾屬。刊本三訛二。據隋志改。

從五品開國鄉男爵刊本鄉訛卿據隋志改。

從七品三等鎮諸曹參軍事刊本諸訛將據隋志改。

正八品三等下郡丞三等下縣令刊本脫三等下郡丞五字據隋志增。

從八品三公府長兼左右戶行參軍刊本長下衍史字據隋志刪。

正九品太子食官中省典倉等令刊本省訛盾倉訛食又脫等字據隋志改增。

從九品諸縣丞刊本丞訛令據隋志改。

卷三十九職官二十一

隋官品令正三品內史令刊本史令二字互倒據隋志改。

從四品上鎮將軍刊本脫軍字據隋志增。

正五品太子內舍人刊本內訛府據隋志改。

從六品直後三寺丞刊本直後二字互倒據隋志改。

從八品司儀刊本儀訛犧又掌醢刊本醢訛醢俱據隋志及唐志改。

正九品內寺伯刊本寺訛侍據隋志改。

上關丞刊本丞訛令案上關令已見從八品內今據隋志改。

從九品內署局丞案隋志作內謁者丞。

視正五品同州總監。刊本監訛管。據隋志改。

視從八品皮毛副監。案隋志皮上有諸字。監下有行臺諸副監諸屯副監九字。
視正九品雍州部郡從事。刊本郡訛都。據隋志改。

卷四十職官二十二

大唐官品正三品左右驍騎。案騎。唐書職官志作衛。

正六品中府果毅都尉。刊本府訛武。案從五品有上府果毅都尉。從六品有下府果毅都尉。此正六品。自當作中府爲是。今據唐志改。

從六品牙市監。案牙。唐志作互。

正七品詹事司馬。案馬。唐書作直。

內寺伯。刊本寺訛侍。據唐志改。

正八品車府令。刊本車訛率。案唐志作車。本書他處亦作車。今據改。

諸衛羽林龍武諸曹參軍。刊本脫龍武二字。據唐志增。

正九品典廩署主乘。刊本乘訛丞。據唐志改。

從九品太子典廩牧署典乘。刊本脫上典字。乘訛丞。據唐志增改。

卷四十一禮一

隋文帝命牛弘辛彥之等刊本脫命字據別本增。

第五十五庶子爲人後其妻爲本舅姑服議刊本子訛人據別本改。

第八十一諸州祭社稷刊本祭訛蔡據別本改。

卷四十二禮二

祀昊天上帝幣用繒長丈八尺注鄭玄注曾子問云制幣長丈八鄭約逸巡狩禮文也刊本注訛云脫逸字並據別本改增。

禮神之主用四珪注一玉俱成圭末四出案別本俱成下有圭本着於璧五字。

青幣注孤執皮帛案別本此下有鄭玄云字。

王親牽牲而殺之注旣殺以授烹人刊本脫旣字據別本增。又君親牽牲刊本君訛若據禮記改。

帝以十月上宿郊見案帝別本作常。

通燼火注舉令光明遠照刊本光訛先據漢書郊祀志改。

於是貴平至上大夫案貴別本作垣。

又奏舊神稱皇天上帝案舊神一本作天神。

建武二年制郊兆于雒陽城南刊本兆訛北今改。

景初元年刊本景下衍帝字案景初係魏明帝年號今刪。

大明三年移郊兆於秣陵在宮之午地刊本午訛未據注及別本改。
從祀注風伯雨師刊本脫伯字據別本增。

禮祭月於坎注今丘形既廣請五帝座悉於壇上刊本丘訛立據監本改。
文帝天嘉中刊本天訛大據陳書改。

宣帝卽位以郊壇卑下更增廣之注五帝三王不相沿襲刊本襲訛習今改。

廩犧令掌牲陳於壇前刊本犧訛牲據魏書禮志改。

執酒七人西向刊本脫人字據魏書禮志增。

祭黃帝常以立秋前十八日刊本脫前字據別本增。

卷四十三禮三

燔柴在祭初禮無所惑刊本惑訛感據別本改。

以韋巨源爲終獻注欽明又奏請以安樂公主爲終獻刊本奏獻二字互倒據別本改。

開元十一年張說爲禮部使韋縉爲副行刊本縉訛滔據舊唐書禮儀志改。

配以五人帝注炎帝配赤帝刊本上帝字訛命今改。

漢承秦滅學注董仲舒春秋春旱暴巫聚蛇刊本蛇訛地。又以甲乙日爲大青龍一刊本脫一字。又

暴釜于壇刊本壇訛檀並據春秋繁露改。

閉諸陽注。爲應龍之狀。乃得大雨。刊本應龍二字互倒。據山海經改。
隋制。五官從祀於下。牲用犢十。刊本用訛周。據別本改。

卷四十四禮四

夏后氏世室。四旁兩夾牕。注。每室四戶八牕。刊本室訛堂。據周禮注改。
其制度九尺之筵。注。釋名曰。刊本名訛文。據別本改。

武太后又於明堂後造佛舍。注。因駕爲九龍盤蚪之狀。刊本脫爲字。據別本增。
大禘野夫黃冠。注。大羅氏掌鳥獸。刊本掌訛業。據禮記改。

卷四十五禮五

夏至日禮地。大宗伯以匏爵酌醴齊以亞之。刊本脫酌字。據別本增。
別爲主以象其神。注。蓋用石爲之。以石爲土類故也。刊本故訛是。今改。
以血祭社稷五祀。刊本上祭字訛食。據周禮改。
刻其上以象物生。方其下以象地體。刊本脫生字。據唐書增。

卷四十六禮六

周制祭五岳。王及尸皆服毳冕。注。史記云。周公祀泰山。以召公爲尸。案此出白虎通。非史記。注誤引。
岐山吳山。注。岐山在今之岐山縣。見山兩岐。改俗呼爲箭括嶺。吳山在今汧陽郡之吳山縣。刊本脫上在。

字見訛岐括訛闕下在今二字互倒並據漢書改。

湫泉祠朝那注湫泉在安定郡刊本脫泉字據漢書增。

籍田晉武帝詔曰今循千畝之制當與羣公卿士躬稼穡之艱難刊本脫與字據晉書增。

卷四十七禮七

后妃廟宋孝武大明二年刊本大訛太據宋書改。

卷四十八禮八

諸侯大夫士宗廟祭曰來日丁亥用薦歲事刊本日訛月今改。又注直舉一日則己亥辛亥亦用之刊

本直訛宜據儀禮注疏改。

雍人揄膚注膚脅革肉也刊本脅訛員據儀禮注疏改。

嘏於主人注眉壽萬年案儀禮此下有勿替引之四字刊本脫今增。

祝先尸從注君與夫人灌各一獻然後迎牲刊本脫後字。又設饌於堂然後迎尸于奧刊本脫然字今

並增。

凡宗廟之器注宗廟名器尊彝之屬刊本名訛盟據注疏改。

稻曰嘉蔬注稻菰蔬之屬刊本脫菰字據禮記注疏增。

卿大夫士神主及題板晉劉氏問蔡謨云注重主道也埋重則立主刊本埋訛理據別本改。

諸藏神主及題板制。公羊說主藏太廟室西壁中。注宗廟有祏室。刊本有訛在。據別本改。

卷四十九禮九

時享。王乃以玉爵酌獻罇中。醴齊以獻。此三獻也。案禮疏作以玉爵酌著尊。泛齊以獻尸。於是王以玉爵酌象罇。盎齊以獻尸。此五獻也。案象禮疏作壺。醴齊以酌尸。案醴禮疏作泛。

諸侯爲賓者以玉爵酌盎齊。案禮疏作以瑤爵酌壺尊醴齊。

季冬之月。天子乃嘗魚。先薦之寢廟。刊本季冬訛仲夏。先訛咸。據月令改。

禘祫上。將祫祭前期十日之前夕。肆師告具。刊本具訛其。據別本改。

白黑形鹽臠。注牒生魚爲大臠。刊本牒訛臠。據周禮注疏改。

茆菹麋醢。刊本茆訛茅。麋又羸醢。刊本羸訛羸。並據周禮改。

簠菹鴈醢。注簠箭萌。刊本箭訛筍。據周禮注改。

卷五十禮十

禘祫下文。帝元嘉六年。注晉以春烝曲沃。齊十月嘗太公。刊本十下衍一字。據宋志刪。

孝武孝建元年十二月。刊本孝建訛建元。十二訛十。又注宗廟大禮宜依古典。刊本依下衍舊字。又

用來年十月。殷祀爲允。刊本來下衍二字。並據宋志改刪。

大祭宗廟謂之禘者。審諦其昭穆也。刊本昭穆下衍百官二字。據魏志刪。

春祭特禘。刊本祭訛廢。據魏志改。

禘其所自出之祖。刊本禘訛祖。據魏志及禮記改。

天子先禘後時。諸侯先時後禘。此於古爲當。在今則煩。刊本於訛施。據魏志改。

四時行事而猶未禘。刊本時訛月。據魏志改。

宜待三年終。然後禘。刊本然訛乃。據魏志改。

冬。公如晉。刊本晉訛齊。據春秋及唐書改。

二周有半。實整三年。刊本整訛枕。據別本改。

太廟爲始封之祖。刊本脫太字。據別本增。

伏請據魏晉舊事爲比。刊本爲比二字互倒。據別本改。

卷五十一 禮十一

七祀。袁準著正論。以爲五行之官。祭於門戶行竈中霤。中霤。土神也。刊本脫下中霤二字。據別本增。

卷五十二 禮十二

上陵外國朝者注。薛綜曰。刊本綜訛琮。今改。

卷五十三 禮十三

大學之禮。雖詔於天子。無北面注。武王踐阼。召師尙父而問焉。曰。刊本曰。上衍師尙父三字。據禮記注疏刪。又王行西折而南。刊本行下衍而字。又則親疎有序而恩相及矣。刊本脫則字。恩字矣。訛也。又則聖智在位而功不匱矣。刊本脫則字。匱訛遺。又退習而端于太傅。則德智長而理道得矣。刊本訛作退習兩端。則德智理矣。並據大戴禮及禮記注疏增改。

獻帝建安中注。晉摯虞決疑。刊本摯虞二字互倒。據晉書改。

宋明帝太始中置玄儒文史四科。科置學士十人。刊本脫一科字。據別本增。

釋奠北齊將講於天子。講畢以一太牢釋奠孔宣父。刊本齊訛齋。今改。

景龍二年。皇太子釋奠。令從臣皆乘馬。劉子元議曰。方履高冠。自是車中衣服。且長裙廣袖。不宜馳驟於風塵之內。刊本且訛宜。據監本改。

孔子祠。黃初二年。以孔子二十一代孫羨爲宗聖侯。令魯郡修廟。置百石吏卒。刊本石訛戶。據魏孔子廟碑改。

卷五十四禮十四

巡狩望秩于山川。注。乃以秩望祭。刊本訛乃望秩遙祭。又言秩者。五岳視三公。四瀆視諸侯也。刊本脫者字。並據史記正義改增。

歸格于藝祖。用特注。特一牛也。刊本牛訛牢。又每歸用特者。明每一岳卽歸也。刊本下每字訛祭。並據

尙書注疏改

誦訓氏亦夾王車以所識久遠之事以告王。刊本所識訛上古。據周禮注改。

天子乃令太師採人歌謠之事。刊本師訛保。據別本改。

晉初新禮。注摯虞。刊本摯訛贊。今改。

封禪建武三十年。注仰視天門窅遼。如從穴中視天。刊本窅訛突。據馬第伯封禪記改。

四月己卯大赦。注梁松被誅。蓋亦誣神之咎也。刊本咎訛荅。據別本改。

麟德二年儀。注爲金繩以纏玉匱。爲金泥以泥之。刊本爲金泥以下衍金字。據別本刪。

以五色土封之。刊本脫土字。據別本增。

巖巖岱宗。衍我神主。刊本衍訛衍。又中宗紹運。舊邦惟新。刊本此下脫睿宗繼明。天下歸仁。二句。又

匪功伐高。匪德矜盛。刊本伐訛成。矜訛務。又方士虛誕。書儒齷齪。刊本齷齪訛不足。並據明皇紀秦

山銘增改

卷五十五禮十五

告禮。明帝太和六年。注今則西岳之精。申明天意。刊本申明二字訛神。據別本改。

享司寒。其藏冰也。深山窮谷。固陰沍寒。刊本也訛地。據左傳改。

先以黑牡秬黍祭。司寒於凌室之北。刊本北訛地。據別本改。

蔡首武帝咸寧及太康中時雨多則蔡朱絲蔡社刊本蔡訛蔡據別本改。

高禘周禮月令注玄鳥遺卵。娥簡吞之。刊本簡訛狄據禮記注改。

晉惠帝元康六年博士議禮無高禘置石之文未知設造所由。刊本未訛求據別本改。
祓禊晉公卿以下至於庶人皆禊洛水之側。刊本洛訛浴今改。

馬融梁冀西第頌刊本脫頌字今增。

卷五十六禮十六

天子加元服將冠筮日筮賓注古者聖王重冠筮日筮賓所以敬冠事。刊本脫筮日二字今增。

周公冠成王命祝雍頌曰刊本祝訛史據大戴禮改。

昭帝冠辭蘊積文武之寵德刊本寵訛就據大戴禮改。

陛下永永與天無極刊本作承天無極四字據大戴禮增改。

皇太子冠隋制太子以下皆拜刊本脫皆字據別本增。

諸侯大夫士冠已冠而字之注字所以相尊也刊本字訛因據禮記注改。

主人酬賓注飲賓客而從之以財貨曰酬刊本脫飲賓客而從之以七字據禮記注增。

歸賓俎注一獻之禮有薦有俎刊本禮上行爲字據儀禮注刪。

遂以贄見於鄉大夫鄉先生注鄉中老人爲鄉大夫致仕者刊本卿訛鄉據儀禮注改。

卷五十七禮十七

君臣冠冕巾幘等制度。殷制章甫。或以冔。注。冔音況。甫反。刊本況訛沈。據經典釋文改。
建華冠。漢制。以鐵爲冠。注。薛綜曰。刊本綜訛宗。今改。
皇。殷因之曰冔。注。所以自飾。覆。刊本所訛。覆。據別本改。

卷五十八禮十八

天子納妃后。魯桓公八年祭公未。注。祭音債。刊本債訛幘。據別本改。
北齊納后之禮。擇日羣臣上禮。又擇日謁廟。刊本脫。又擇日三字。又先以太牢告而後徧見羣廟。刊本
脫先字而字。並據別本增。

公侯大夫士婚禮。女父對曰。某之子。蠢愚弗能教。刊本蠢訛蠢。據儀禮及別本改。

納徵用玄纁。注。象陽陰備也。刊本脫備字。據儀禮注增。

最帥以敬。注。勉帥婦道。以敬其爲先妣之嗣。刊本脫帥婦二字。道訛導。據儀禮注增改。

乘墨車。注。士而乘墨車。攝盛也。刊本而訛人。據儀禮注改。

女次純衣纁衽。注。凡婦人不常施衽之衣。刊本常訛裳。據別本改。

見舅姑。注。待見於舅姑寢門之外。刊本脫待字。據儀禮注增。

卷五十九禮十九

公主出降。天子之女爲公主。旣加長字。刊本字訛主。據別本改。

若更有以貴加於所尊者。令所司隨事糾聞。刊本所訛有。隨訛有。據別本改。

婚禮不賀議。會吳於鄧。刊本鄧訛繪。據左傳改。

男女婚嫁年紀議。越王句踐使男二十而娶。女十七而嫁。刊本十七訛二十。據春秋外傳改。

嫁娶時月議。王肅以爲秋冬嫁娶之時也。注。肅據詩云。刊本詩訛書。今改。

卷六十禮二十

周喪不可嫁娶議。給事中王琛有兄喪。刊本脫中字。據別本增。

推尋舊事。元康二年。虞濬陳湛各有弟喪。刊本脫推字各字。並據別本增。

鄭玄以未嫁成人降其旁親。以明當及時與不及時同降。刊本脫與不及時四字。據別本增。

祖無服。父有服。可嫁娶議。不以父命辭。王父命。刊本脫辭王父命四字。據公羊傳增。

降服及大功。未可嫁姊及女議。傅都官駁孔議曰。刊本議訛讓。據別本改。

外。無服尊卑不通婚議。父之姨及堂姨母之姨。一本無下之姨二字。

卷六十一禮二十一

君臣服章制度。玄冕服祭羣。小祀。注。其衣無文。裳刺黻而已。刊本黻訛繡。據周禮注改。

若加餘冠。則服其加冠之服。案冠。別本皆作官。

龍朔二年注。朝參行列一切不得著黃。刊本列訛例。據別本改。
神龍二十六年。肅宗爲皇太子儀。注有服絳紗袍之文。太子上表辭不敢當。請有以易之。刊本脫以字。據別本增。

貞元七年。令常參官復衣大綾袍。刊本脫大字。據別本增。

卷六十二禮二十二

后妃命婦首飾制度。南山豐大特。注有牛從木中出。刊本木訛水。據史記注改。
后妃命婦服章制度。後周髻衣。刊本髻訛絹。案隋志作髻。注云似髮。今據改。

卷六十三禮二十三

天子諸侯玉佩劍綬璽印。後漢中二千石以下至四百石皆以黑犀。刊本脫下字。據漢志增。
貞觀十六年。注長壽二年。改玉璽爲符寶。刊本脫符字。據別本增。

卷六十四禮二十四

五輅。隋輅旗首金龍頭。銜鈴及綏垂以結綬。刊本綏訛縷。據別本改。
指南車。齊因宋制。四角皆施龍子竿。刊本竿訛於。據別本改。

卷六十五禮二十五

皇太后皇后車輅。安車。雕面鷺總皆有容蓋。注鷺總者青黑色。刊本脫總字。據周禮注疏增。

公卿大夫等車輅。隋制唯有參謁及弔喪者則不張幟。刊本參訛慘。又脫謁字。據別本改增。

卷六十六禮二十六

旌旗。黃帝振兵教熊羆貔貅。刊本貅訛猊。今改。

師都建旗。注。都人所聚。刊本所訛之。據別本改。

後周。三曰旒以供旅師。刊本旅訛旒。據別本改。

鹵簿。後漢。執注以督整車騎。謂之護駕。案注一本作仗。

卷六十七禮二十七

養老。遂設三老五更羣老之席位焉。注。天子以父兄養之。刊本脫以字。據禮記注疏增。

天子拜敬保傅。晉成帝詔。拜敬加舊以明崇德。刊本脫舊字。明下衍傳字。據別本增刪。

卷六十八禮二十八

天子諸侯大夫士之子事親儀。櫛縱笄總。注。總。束髮也。垂後爲飾。刊本飾訛編。據禮記注疏改。

總角。注。總角。收髮結之。刊本收訛雙。據禮記注疏改。

道路男子由右。注。地道尊右。刊本地道訛道路。據禮記注疏改。

夫人不答妾拜。議禮。妾事女君如婦之事姑。刊本之訛人。據別本改。

僧尼不受父母拜。議。整容端坐。受其禮拜。刊本整訛罄。據別本改。

卷六十九禮二十九

養兄弟子爲後。後自生子議。賀嬌妻上表。陶氏時取孩抱。羣恒訶止。刊本訶訛辭。據別本改。

卷七十禮三十

讀時令。魯文公六年閏十月。不告朔。刊本十下衍二字。據春秋刪。

魯文公始不視朔。刊本視朔訛祀告。據舊唐書禮儀志改。

元正冬至受朝賀。後漢受賀。注。謁者引公卿以次拜徹行出。刊本徹訛徹。據別本改。

永徽元年。勅京官文武五品依舊五日一參。刊本脫官字。據別本增。

卷七十一禮三十一

皇太子監國有司儀。注。請臺告報知所稱尙書某甲參議。刊本脫議字。據別本增。

錫命。周制。五命賜則。注。王之下大夫。刊本脫下字。據周禮注疏改。

八命作牧。注。謂侯伯有功德者。刊本侯伯訛諸侯。據周禮注疏改。

諸王公城國宮室車服車旗議。侯伯七命。刊本脫侯字。據周禮增。

卷七十三禮三十三

五宗。周制。別子爲祖。注。第二子以下悉不得禰君。刊本禰訛稱。據別本改。

所以必有宗者。長和睦也。刊本睦訛穆。據別本改。

其兄是嫡長家有代封刊本代封二字互倒據別本改。

公子二宗孔穎達曰案公子唯一無他公子無可爲已宗是有無宗也刊本上公字訛世又言公子有

族人來與之爲宗之道刊本脫族字又公子之宗道也者言此嫡公子爲庶公子宗刊本庶下脫公字又衍爲字並據禮記注疏改增刪。

鄉飲酒主人與賓三揖至於階注將進揖當塗揖當碑揖也刊本碑訛階據儀禮注疏改。遂徹俎乃羞注鄉設骨體所以致敬也今進羞所以盡愛也刊本鄉訛享據儀禮注疏改。獻於王庭注州長春秋習射於序先行鄉飲酒之禮刊本脫行字據周禮注疏增。

卷七十四禮三十四

天子受諸侯朝宗覲遇邦畿方千里注其朝貢之歲四方各四分趨四時而來刊本朝訛服據別本改。司几筵設黼扆注以絳帛爲質刊本絳帛訛采白據儀禮改。

改袒還襲遂入門左刊本左訛右據儀禮改。

夏則禮日於南門之外注變拜言禮者客祀也刊本客訛祭據儀禮注改。

秋則禮月與山川丘陵於西門之外案儀禮禮字下無月與二字。

天子受諸侯遣使來聘將行之朝朝服釋幣於禰告爲君使刊本脫下使字據儀禮注增。

天子遣使來迎勞諸侯已聘而還珪璋此輕財重禮之義也刊本義訛儀據禮記改。

三恪二王後武德元年詔曰。修廢繼絕。德澤崇於二代。刊本繼訛紀。今改。

卷七十五禮三十五

天子朝位。二曰中朝。注。王西南向揖之。刊本南向訛面而。據周禮注改。

爲壇見諸侯之法。天子壇上南面。刊本上訛土。據別本改。

信節。道路用旌節。注。如漢之郵行者有程矣。刊本程訛旌。據禮記注改。

卷七十六禮三十六

天子諸侯將出征。周制類於上帝。注。帝謂五德之帝。刊本謂訛位。又不敢留尊者命也。刊本命訛久。並

據禮記注疏改。

禡於所征之地。注。禡。師祭也。刊本也訛地。據禮記注改。

天子諸侯四時田獵。乃鼓退鳴鐃。注。鼓鐸則同。異者廢鐃而鳴鐃。刊本廢訛發。據周禮注改。

遂以狩田。注。冬田爲狩。言守取之。刊本守訛狩。據周禮注改。

艾蘭以爲防。注。蘭。香草也。刊本香訛者。據穀梁傳注改。

隋大業三年。陳冬狩之禮。諸將各帥其軍。集於旗下。刊本將訛侯。據隋書禮志改。

出師儀制。後漢初。立秋之日。其儀乘輿御戎路。刊本其訛兵。據後漢禮儀志改。

靈帝中平五年。帝躬擐甲介馬。稱無上將軍。刊本無訛爲。據後漢書改。

卷七十七禮三十七

天子諸侯大射鄉射以狸步張三侯注三侯者司裘所供刊本裘訛射據周禮注改

卷七十八禮三十八

天子合朔伐鼓此齊制日蝕鳴鼓如嚴鼓法刊本如訛加今改

時讎仲秋天子乃讎注此讎讎陽氣也刊本也訛除據周禮注改

卷八十禮四十

天子爲繼兄弟統制服議夫帝位次自以君道相承刊本夫帝訛太常據別本改

天子不降服及降服議天子爲諸侯絕期注天子之子封爲諸侯刊本復衍子字今刪

卷八十一禮四十一

天子弔大臣服議魏蔣濟奏注吳射慈喪服圖刊本射訛謝據隋書經籍志改

卷八十二禮四十二

皇太子爲太后服議宋文帝元嘉十七年有司奏禫服變除禮畢餘情一同不應復有再禫刊本復訛服

據監本改

皇太子爲所生母服議庶子爲後服所生母總刊本後訛后據儀禮改

諸王持重爲所生母服議濟南王統昔爲庶母居廬刊本濟訛齊據監本改

爲太子妃服議王者體絕大禮刊本禮訛理據監本改。
爲諸王喪服議諸侯體國備物典策不異成人刊本策訛事今改。
若升仕朝列則爲大成刊本大訛文據宋史禮志改。

卷八十三禮四十三

復夏采注求之王平生常有事之處也刊本脫生字據周禮注疏增。
中屋履危刊本履訛覆據禮記改。
天子諸侯大夫士弔哭議周人去玄冠代以素弁刊本去訛云據監本改。
皇子之儀揖而不拜然猶應以練冠功褱迎立於戶側刊本脫戶字據宋書增。

卷八十四禮四十四

沐浴以鬯築鬻刊本鬻訛鬻據周禮改。
濡濯棄於坎刊本濯訛灌據禮記改。
舍舍人供飯米刊本舍訛舍據監本改。
商祝掩瓊注象齒堅也刊本齒訛齧據儀禮注改。
襲決用正王棘注以沓指放弦刊本放訛於又生者以朱韋爲之刊本生訛主並據禮記注改。
婦人則設中帶注中帶若今之禪衫刊本衫訛衫據禮記注改。

有前後裳。不辟注。不辟積也。刊本積訛質。據禮記注改。
設水。君設大盤注。秋涼而止。刊本止訛上。據禮記注改。

始死變服爲曾祖父母注。父兄子姓婦人皆坐。刊本姓訛姪。
又大夫以上素弁。刊本弁訛笄。并據監本改。

始死襚。諸侯相襚以後輅注。後輅貳車也。刊本貳訛二。據禮記注疏改。

小斂袍必有表注。爲其褻也。刊本褻訛襲。據禮記注疏改。

設百官位次。刊本復衍位字。今刪。

卷八十五 禮四十五

啟殯朝廟。遷於祖用軸注。狀如長牀穿棎。前後著金而關軸焉。刊本棎訛程。關訛闕。並據儀禮注改。

卷八十六 禮四十六

薦車馬明器。薦馬纓三就。入門北面注。凡入門者。參分庭一在南。刊本一訛二。據儀禮注改。

陳器之道。省陳而盡納之可也。刊本可上衍不字。據禮記刪。

挽歌。詩稱君子作歌。刊本詩訛傳。今改。

葬儀。大唐元陵儀注。龍輓至羨道。停於帷下。南首以俟。刊本首訛省。據監本改。

大旒置於戶內。刊本旒訛幡。據監本改。

卷八十七禮四十七

虞祭主人倚杖入祝從注主人北旋刊本主訛室據儀禮注改

三虞注士則庚日三虞刊本土訛是據儀禮注改

大唐元陵儀注司徒捧俎刊本脫徒字據監本改

祔祭用專膚爲折俎注專猶厚也刊本厚訛羣據儀禮注改

大唐元陵儀注太樂令設登歌於太廟殿上刊本令訛一據別本改

前一日尙舍與西內使計會刊本與訛於據監本改

侍臣等夾於階間刊本脫階字據監本增

引自東階升刊本脫階字據監本增

詣廟殿北簾下兩階之間刊本兩訛西據監本改

大祥變大祥有醯醬居復寢刊本醯訛醢復訛服並據禮記改

五服成服及變除附麻之有蕢也注明孝子有忠實之心刊本忠訛終據監本改

齊者緝也注齊衰不書受月者亦天子諸侯及卿大夫士虞卒哭異數也刊本虞訛庶據監本改

卷八十八禮四十八

斬衰三年晉惠帝元康中傅咸表云率士臣妾豈無攀慕遂服之心刊本脫豈字又復以秦王無後刊

本脫以字。並據晉書增。

卷八十九禮四十九

後妻子爲前母服議。迎父喪歸於舊室。以其母祔葬。刊本祔葬訛葬矣。據監本改。
爲高曾祖母及祖母持重服議。後魏陳終德欲服祖母齊縗三年。以無代爵之重。不可上陵諸父。刊本父

訛叔。據魏書禮志改。

祖爲嫡孫周。豈祖以嫡服己。己與庶孫同爲祖周。於義可乎。刊本於訛其。又脫乎字。據魏書改增。
齊縗杖周。絕族無施服。注。施音以豉反。刊本施訛絕。今改。
父卒母嫁。謂無大功之親。己稚子幼。刊本脫無字。據監本增。

杖周解官。文有妻服之外。刊本文訛交。據舊唐書改。

卷九十禮五十

齊縗三月。婦人義無二尊。故出嫁則降父而服夫。刊本脫父而二字。據監本增。

卷九十一禮五十一

大功成人九月。爲人後者爲其昆弟。刊本脫其字。據儀禮增。

君爲姑姊妹女子子嫁於國。君者。注。不言諸侯者。闕天子元士卿大夫也。刊本侯訛國。據禮記注改。
周制。同母異父昆弟相爲服。注。嫁則外祖父母無服。刊本外祖父母訛父母外。據禮記注改。

卷九十二禮五十二

總麻成人服三月。庶子爲父後者。注。不敢申私親故服總也。刊本服訛無。據儀禮改。有死于宮中者。注。士雖在庶子爲母皆如衆人。刊本脫爲字。據儀禮增。

卷九十三禮五十三

王侯兄弟繼統服議。禮。君之子孫所以臣諸兄弟者。以臨國故也。刊本脫弟字。今增。三公諸侯大夫降服議。五服內外通如周之士禮。而三降之典不復同矣。刊本復訛行。據監本改。諸侯夫人及大夫妻降服議。刊本夫人訛大夫。據監本改。貴不降服議。大夫之妻爲長子。注。其所不降亦不降也。刊本上不字訛當。據監本改。

卷九十四禮五十四

父卒繼母還前親子家繼子爲服議。晉摯虞決疑云。刊本決訛理。今改。父卒繼母還前繼子家後繼子爲服議。日月遠近。理不有異。刊本脫不字。據監本增。受之者應有過禮之貶。刊本者訛日。據監本改。

卷九十五禮五十五

從母被出爲從母兄弟服議。便成違禮。刊本違訛爲。據監本改。妻已亡爲妻父母服議。爲母之君母。母卒則不服。君母猶然。妻可知矣。刊本下君字訛若。據監本改。

爲內外妹爲兄弟妻服議。首徐衆論云。吾自服姨妹。奚爲強謂之服嫂也。刊本姨訛嫂。據監本改。兄弟之妻無服。乃異於姨妹之有服也。刊本異訛親。據別本改。

卷九十六禮五十六

總論。爲人後議。魏劉德問以爲人後者。支子可也。刊本德訛得。據監本改。若令捨重適輕。違親就疎。刊本違訛爲。據監本改。出後者却還爲本父服議。三年之喪。稱情而立文。刊本文訛聞。據禮記改。

卷九十七禮五十七

居親喪除旁親服議。周制。注。唯君之喪不除私服。刊本除訛服。據禮記注改。

卷九十九禮五十九

爲姑姊妹女子子無主後者服議。舉近親之有服。則疏者知無服。刊本之訛知。今改。

卷一百禮六十

喪遇閏月議。今者用閏。益合遠日之情也。刊本脫合字。據別本增。

卷一百二禮六十二

父母墓毀服議。蕭子晉傳。重咨禮官何修之議。刊本脫咨字。議訛謹。據隋書禮儀志增改。

卷一百五禮六十五

公子爲其妻之父母。刊本脫其字。據禮記增。

卷一百七禮六十七

大駕鹵簿。次羊車。注。駕果下馬。刊本果訛車。據監本改。

皇太子鹵簿。次中舍人二人。刊本脫下人字。今增。

皇太子妃鹵簿。次六柱扇二。刊本扇二二字互倒。據監本改。

卷一百八禮六十八

齊戒。凡大祀。注。臨時闕者。通攝行事。刊本行事二字互倒。據監本改。

卷一百九禮六十九

陳設。設望燎位於柴壇之北。南向。刊本脫設字。據五禮通考增。

日星帝座。刊本座訛席。據五禮通考改。

奠玉帛。實罇壘玉幣。注。著罇爲上。實以汎齊。刊本汎訛沈。據五禮通考改。

卷一百十禮七十

皇帝立春祀青帝。奠玉帛。諸方客使先至者。各就門外位。刊本至訛置。據監本改。

卷一百十二禮七十二

皇帝夏至日祭方丘。奠玉帛。實罇壘玉幣。注。著罇爲上。實以汎齊。案汎。五禮通考作沈。

作文武之舞。刊本武訛舞。據五禮通考改。
執罇者舉鬯酌泛齊。案泛五禮通作沈。

卷一百十三禮七十三

皇帝仲春、仲秋、上戊、祭太社、太稷。刊本脫太稷二字。據五禮通考增。

卷一百十七禮七十七

皇太子釋奠於孔宣父。陳設奉禮。設皇太子位。注。執事則道南西向。刊本道訛近。據監本改。

卷一百十八禮七十八

皇帝巡狩。燔柴告至。駕至大次門外。刊本次門外訛門外。據監本改。

卷一百十九禮七十九

皇帝祀封泰山。陳設前祀一日。注。奉禮設御位於壇東南。刊本脫於字。據監本增。

卷一百二十禮八十

諸州祈社稷。祝進跪奠版於神座。注。奠祝文與上同。刊本脫上字。據監本增。

卷一百二十一禮八十一

三品以上時享其廟。孝曾孫某。刊本某訛其。今改。

卷一百二十二禮八十二

皇帝加元服。告園丘。實罇壘及玉帛。注。一實明水。一實醴齊。刊本闕下一字。今補。

卷一百二十三禮八十三

皇后正至受羣官朝賀。設文武羣官諸親藩客使等位於宮城門外。如朝堂之式。刊本位訛衛。據下文改。

卷一百二十四禮八十四

皇帝於明堂讀五時令。鸞駕出宮。五品以上俱集朝堂。刊本脫集字。據監本增。

夏敵樂止。注。凡樂皆協律郎舉麾。工鼓祝而後作。刊本後訛復。今改。

贊者在供奉官人內侍臣上。刊本供奉二字互倒。據監本改。

皇帝於太極殿讀五時令。典謁各引還本位。刊本引訛司。據監本改。

皇帝養老於太學。設尊於東楹之西。刊本楹訛檻。據監本改。

養老。惇史執筆錄善言善行。二舞作於懸中。刊本行上脫善字。作訛坐。並據監本增改。

卷一百二十五禮八十五

皇后受册。伏惟殿下。坤象配天。德昭厚載。刊本德訛地。據監本改。

謁太廟。皇太子乘輿出。次升輅。刊本次訛自。據監本改。

臨軒册命。諸王大臣少退。俱西向。刊本脫向字。據監本增。

卷一百二十七禮八十七

皇太子納妃親迎若衣若笄刊本笄訛花據監本改。

卷一百二十八禮八十八

親王冠前三日注筮賓如來日之儀刊本來訛求據監本改。

凡牲體節折刊本體訛醴據監本改。

主人西面請賓注一品以下及冠者西南拜賓之贊刊本及訛又據監本改。

卷一百三十二禮九十二

皇帝講武左右廂各爲三軍位刊本位訛皆據五禮通考改。

卷一百三十八禮九十八

三品以上喪陳衣小斂各陳其斂衣一十九稱刊本衣訛以今改。

成服就祖母前哭亦如之刊本脫母字今增。

卷一百三十九禮九十九

郭門親賓歸出郭若親賓送者權停柩車刊本送訛還今改。

小祥祭始食菜果刊本菜訛粢據禮記改。

大祥祭掌饌者以饌升自東階入設于座前刊本設訛室據監本改。

祔廟掌廟者開神主注若祔妣則出曾祖妣神主而已刊本祔妣訛異姓據監本改。

卷一百四十一樂一

江左初立宗廟。尚書下太常祭祀所用樂名。注漢氏所用文句長短不齊。蓋以歌詠絃節本有因循。刊本脫因字。據監本改。

卷一百四十二樂二

陳武帝初。周弘讓奏曰。齊氏承宋。咸用元徽舊式。刊本咸訛武。據隋志改。
牲出入。奏引犧引牲。案隋志無引牲二字。

卷一百四十三樂三

五聲八音名義。商亂則陂。其臣壞。刊本臣訛官。據禮記改。
歷代製造鼓琴吹笛之人。外云三調。三調之聲。其來久矣。刊本脫三調二字。據隋志增。
唐祭天神。奏豫和之樂。刊本豫訛元。據新唐書音樂志及郭茂倩樂府改。

卷一百四十四樂四

金一銑間謂之于。注鄭衆云。于鐘唇之上祛也。刊本唇訛臂。據周禮注疏改。
篆間謂之枚。注枚鐘乳也。刊本鐘下衍穴字。據周禮注疏刪。

大鐘十分其鼓間。以其一爲之厚。注鼓外二鈺外一。刊本鼓字訛在一字下。據周禮注疏改。
卷一百四十五樂五

雜歌曲。碧玉歌者。宋汝南王妾名。刊本宋訛晉。據樂苑改。

丁都護歌。是宋武帝所製。案武帝。宋書樂志作高祖。

督護初征時。刊本初訛上。時訛去。據樂府詩集改。

讀曲歌云。死罪劉領軍。誤殺劉第四。刊本第四訛四弟。據宋志及樂府詩集改。

卷一百四十八兵一

第十一。先取根本附刊本附訛同。據李元陽本改。

立軍。中軍之鼓。注。中軍則公之里卒也。刊本卒訛率。據管子注改。

卷一百五十一兵四

死間者爲誑事於外。令吾間知之而傳于敵間者也。刊本傳訛待。據孫子改。

行師先在量力。漢元帝時。賈捐之上書。朔南暨聲教迄于四海。刊本脫迄于四海四字。據賈捐之傳及禹

貢增。又蠢爾蠻荆。刊本蠻荆二字互倒。據詩經及賈捐之傳改。又兵出不踰千里。費四十餘萬。刊

本脫萬字。據賈捐之傳增。

卷一百五十二兵五

撫士。貞觀中。太宗親征高麗。仍勅州縣厚加供給。刊本勅訛勒。據唐書改。

示惠招降。呂蒙周游城中。家家致問。刊本游訛旋。據吳志改。

軍師志堅必勝。解張侯曰：自始合而矢貫余手，余折以御。刊本折訛所。又若之何其以病敗君之大事。刊本其以二字互倒，並據左傳改。

軍行自表異致敗。宋殷孝祖常以鼓蓋自隨，軍中人相謂曰：若善射者，十士相射，欲不斃得乎。刊本土訛主，據宋志改。

卷一百五十三兵六

示形在彼而攻於此。曹公遣將徐晃遂前至偃城。刊本偃訛堰。又晃得偃城。刊本脫得字，並據魏志改。增。

示強。西魏將楊忠自樊城觀兵於漢濱，易旗遞進，寔騎二千。刊本實訛寶，今改。

卷一百五十四兵七

掩襲。王鎮惡襲劉毅，舸留一二士。刊本二訛一，據宋書改。

卷一百五十五兵八

出其不意。魏遣鍾會鄧艾伐蜀，去成都三百餘里。刊本成訛城，今改。

卷一百五十八兵十一

攻其必救。王郎少傅李立爲反間，開門內漢兵。刊本脫開字，據後漢書增。

卷一百五十九兵十二

塞險則勝。眭遂曰：馬上齋糧，不過旬日。刊本日訛月。據十六國春秋改。

卷一百六十一 兵十四

因機設權。春秋時，楚師伐吳，箴尹固與王同舟。刊本箴訛鉞。據左傳改。多方以誤之。勾踐使罪人三行，屬劍於頸而辭曰：刊本而訛面。據左傳改。

卷一百六十二 兵十五

敵無固志可取之。吳伐楚，夫概王曰：困獸猶鬪，况人乎。刊本王上行謂字。據左傳刪。趙充國討先零羌，羌見大軍，棄車重，欲渡湟水。刊本棄訛乘。據漢書改。

卷一百六十三 刑一

惟明克允。注：三辟之興，皆叔世也。刊本之下衍刑字。據左傳刪。

漢安帝永初中，陳忠奏上三十三條，爲決事比。注：比，必寐反。刊本寐訛寤。據漢書音釋改。

卷一百六十四 刑二

宋文帝時，劉秀之請改定制令，擬部人殺長史科。議者謂值赦宜加徒。刊本擬訛疑。據李元陽本改。陳武帝制律，三七日上測，七日一行鞭。刊本脫下日字。據隋書刑法志增。

卷一百六十五 刑三

老氏云：其政悶悶，其人漶漶。注：政教寬大。刊本教訛效。據道德經注改。

卷一百六十六刑四

公族有死罪。即磬於甸人。刊本磬訛磬。據禮記改。

卷一百六十七刑五

後魏宣武帝時。詔崔纂可免郎。都官尚書。悉奪祿一秩。刊本官訛坐。據册府元龜改。

唐永徽二年。蕭齡之受智遠等金銀奴婢。上怒。令於朝堂中處置。刊本置訛盡。據册府元龜改。

卷一百六十八刑六

系蹄在足。則猛獸絕其蹠。刊本蹠訛蹠。今改。

卷一百七十一州郡一

自東西魏之後。注文宣天保七年。刊本保訛寶。據北齊書改。

隋文帝開皇三年。注以州治人名。則因循職事。同於郡守。刊本職訛識。據文獻通考改。

卷一百七十三州郡三

京兆府武功。注周后稷封于豳。即此。豳音台。刊本豳訛繫。今改。

華州。垂拱元年。改爲秦州。刊本秦訛秦。據唐書改。

寧州。羅川。注黃帝葬處。刊本處訛處。今改。

原州。百泉。注今縣有彈箏峽。刊本箏訛箏。據北史改。

綏州。煬帝置雕陰郡。刊本郡訛都。據隋書改。

卷一百七十五州郡五

商州。上洛。注。卽今七盤十二繞。刊本繞訛絳。據監本改。

卷一百七十七州郡七

均州。鄖鄉。注。古麇國地。刊本麇訛麋。據左傳改。

卷一百七十八州郡八

古冀州。夾右碣石入于河。注。言禹夾行此山之右入河逆上也。刊本上訛山。據左傳尙書傳改。

衛州。黎陽。注。有大伾山。刊本伾訛坯。據禹貢改。

幽州。注。山海經有幽都山。刊本有訛百山訛去。據監本改。

卷一百八十州郡十

齊州。豐齊。注。漢荏縣。刊本荏訛山荏。據漢書刪改。

密州。成陽國地。刊本成訛城。據漢書改。

兗州。注。今郡理乃北境也。刊本北訛非。今改。

卷一百八十一州郡十一

濠州。注。禹所娶會塗山侯國。刊本娶訛聚。據漢書改。

卷一百八十三州郡十三

沔州注。曹公以文聘爲江夏太守。刊本聘訛躬。據魏志改。

潭州長沙注。古青陽地。秦始皇時。荆王獻青陽以西。卽此地也。刊本青訛清。據漢書及水經注改。

卷一百八十五邊防一

總序。覆載之內。注骨利幹國。從天色暝時。煮羊胛纔熟。而東方已曙。刊本胛訛脾。據唐書改。

第九。西戎總目。挹怛國。刊本國訛同。據隋書改。

馬韓出細尾雞。案細。後漢書作長。

卷一百八十六邊防二

閩越。漢孝惠三年。舉高帝時越功。曰。閩君獠功多。刊本曰訛少。據史記及漢書改。

卷一百八十七邊防三

獠。其丈夫稱阿瞿阿段。刊本段訛改。據北史改。

附國。卽漢之西夷也。案隋書作卽漢西南夷也。又土宜小麥青稞。刊本稞訛斜。據隋書改。

衷牢。猩猩注。好酒好屨。刊本屨訛履。據後漢書改。

卷一百八十八邊防四

嶺南序略。烏澠人。刊本澠訛僻。據漢書改。

林邑其一曰西那婆帝刊本那訛郡據北史改。

毗騫南方號曰長頸王刊本頸訛頭據梁書及南史改。

干陀利出吉貝刊本吉訛古據梁書改。

敦焚州薰綠水膠所出刊本綠訛緣據文獻通考改。

卷一百九十三邊防九

康居其妻有髻幪以皂布刊本皂訛帛據隋書改。

奄蔡至後漢改名阿蘭聊國刊本聊訛那據後漢書改。

波斯丈夫戴白皮帽貫頭衫兩廂近下開之刊本廂訛扇據魏書改。

渴槃陁有甲稍弓刀注稍音朔刊本朔訛愬據廣韻集韻改。

卷一百九十四邊防十

匈奴賈誼論邊事曰辟如伏虎見便必動將何時已刊本將訛特據賈誼新書改。

卷一百九十五邊防十一

南匈奴屈蘭儲卑胡都須等刊本屈訛屋據後漢書改。

卷一百九十六邊防十二

烏桓婦人至嫁時乃養髮刊本嫁訛家據後漢書改。

卷一百九十七邊防十三

高車其先匈奴之甥也。刊本甥訛人。據監本及北史改。
突厥上其部落大人曰阿謗步。刊本阿訛可。據北史改。
定襄王李大恩。刊本李訛胡。據新舊唐書改。

其舊臣胡祿達官吐谷渾邪自刎。刊本胡訛故。據新舊唐書改。

卷一百九十八邊防十四

突厥中車鼻長子羯漫陁。刊本子訛孫。據新舊唐書改。

單于領狼山雲中桑乾三都督。刊本山雲二字互倒。據新舊唐書改。

靜難軍使玉鈴衛將軍慕容元翦以兵五千人降。刊本元翦訛元山則。據舊唐書改。
廬備上疏曰。昔臣元凱射不穿札。而建平吳之勳。刊本吳訛成。據監本及舊唐書改。
使知分限。行不失常。婦於得所。刊本行訛待。據舊唐書改。

卷一百九十九邊防十五

突厥下至隋末自稱闕汗。案舊唐書作闕達可汗。

卷二百邊防十六

唐莫奚又封成安公主女嬀氏爲東光公主。以妻魯蘇。案新舊唐書嬀作韋。

烏落侯。其國西北有貌水。案魏書貌作完。

東漢會要 宋徐天麟撰

卷三

禮門。禮儀條。河圖稱赤九會昌。十世以光。原本昌訛書。據曹褒傳改。

卷六

拜諸侯王公條。尚書郎以璽印綬付侍御史。侍御史前。東面立。原本脫下侍御史三字。據禮儀志增。

卷七

講武條。帝躬擐甲介馬。稱無上將軍。原本脫將軍二字。據何進傳增。

卷九

輿服門。導從卒條。卒皆赤幘絳鞵。原本鞵訛屨。據輿服志改。

卷十二

文學門。禮家條。孔安國所獻禮古經五十六篇。原本經訛今。據儒林傳改。

卷十四

論浮屠條。以助伊蒲塞桑門之盛饌。刊本脫塞字。據楚王英傳增。

卷十七

封建門。封功臣條。耿賈之鴻烈。原本耿訛景。據後漢書改。

卷二十

職官門。列郡條。署功曹及諸曹事。原本署訛錄。據百官志改。

卷二十一

刺舉條。爲太尉黃瓊所辟。原本尉訛將。據范滂傳改。

卷二十二

省官條。罷益州西部郡縣。原本郡訛都。據明帝紀改。

卷二十四

宦官門。檀權條。部曲將吏皆樂盡力。原本吏訛軍。據何進傳改。

卷二十八

民政門。賜民爵條。若同產子民無名數。原本名數二字互倒。據後漢書改。

卷三十三


兵門。北軍五營條。長水校尉一人。本注曰。掌宿衛。兵司馬胡騎司馬各一人。本注曰。掌宿衛。主烏桓騎。原本脫長水校尉至宿衛兵十三字。據後漢百官志增。

卷三十五

刑法門。卹刑條。躬上封事。原本事訛書。據郭躬傳改。

卷四十


蕃夷門。南匈奴條。免安坐帷中。與弟子講論自若。原本脫講論自若四字。據後漢書增。



四庫全書考證卷四十二

史部

文獻通考上



四庫全書考證 卷四十二

一七〇五

國立中央圖書館藏書



文獻通考上 宋馬端臨撰

目錄

防禦使刊本使訛吏今改。

揮國刊本揮訛樺據後漢書改。

烏那遏國刊本烏訛烏據北史改。

卷首

沿襲既久刊本沿訛所據封建考改。又或以爲靈威仰或以爲耀魄寶刊本靈威二字互倒又魄訛靈。

據左傳及禮記正義改。又常存肄之刊本肄訛隸據漢書改。又如入羣玉之府刊本羣玉訛郡王。

據穆天子傳改。又山川之形千古不易刊本形訛秀據通志改。又陸渾支駒刊本支訛赤據左傳

改。

卷一 田賦考

田賦案語。但言餘夫受田如此。刊本此訛比。據漢書改。

鄭氏園廛亦輕之者。廛無穀。園少利也。刊本之訛輕。據周禮注改。

作丘甲注。牛十二頭。刊本脫二字。據左傳增。

出稷禾秉芻缶米注。秉百六十斗。刊本秉訛二。六訛四。並據國語注改。又又何訪焉。刊本訪訛妨。據國語改。又案語。秦於其所當予者取之。所當取者予之。刊本脫所當取者予之六字。據馬氏自序增。

卷二

百錢餘稅且增爲千。故誑質作。尙方寄繫東冶。刊本誑訛下。質訛實。又遂買本一千。加子七百。猶求請無地。刊本猶訛尤。並據南齊書改。

後魏明元帝。刊本脫元字。據魏書增。

孝明帝時。張普惠上疏曰。刊本脫惠字。據北史增。

卷三

舊戶三百八十萬五千。刊本戶訛制。據唐書改。

東萊呂氏。必以所當輸者。上貢於天子。刊本上訛土。今改。又九州之貢。所謂食者半。刊本食訛出。又或

以三之一輸王府。刊本三訛二。並據周禮改。又案語。絹布綾綿諸物爲庸調。刊本綿訛錦。考唐租庸

調法。輸綿不輸錦。今據改。

兩租案語。吏得爲姦以病民。刊本吏訛更。今改。

張全義案語。全義本出羣盜。刊本羣訛郡。今改。

卷四

絹估小而傷民。金估高而傷官。刊本官訛金。今改。
歲賦。其類有五。刊本賦訛時。今改。

卷六

漢文帝以文翁爲蜀郡太守。煎澗口。溉灌繁田千七百。案華陽國志煎上當有穿字。
引渭穿渠。刊本穿訛池。據漢書改。

後漢杜詩爲太守。復修其業。刊本復修訛後收。今改。

裴延儻爲幽州刺史。刊本儻訛樛。據北史改。

溫造爲朗州刺史。刊本朗訛郎。據唐書改。

卷七

李通破公孫述於西城。刊本城訛域。據後漢書改。

金城長史上官鴻上開置歸義建威屯田二十七部。刊本義訛又二訛三。並據後漢書改。

廣開屯田。列置四十餘營。刊本十訛千。據後漢書改。

激用潢清諸水以浸原田。刊本潢訛洙。據晉書改。

齊高帝敕垣崇祖修理芍陂田。刊本垣訛桓。據南齊書改。

後魏文帝太和十一年。刊本和訛統。據魏書改。

歲收稻粟數十萬石。北境得以周贍。刊本北訛此。據隋志改。

司農寺每屯三頃。刊本每訛因。又以贍振武天德靈武鹽夏之軍。刊本振武二字互倒。並據唐書改。

宋太宗端拱二年。刊本宗訛祖。據宋史改。

鄭民憲。刊本鄭訛謝。據宋史改。

西寧、湟、廓三州良田沃野。刊本廓訛廊。據宋史改。

解潛奏措置荆南、歸、峽、荆、門、公安五州營田。刊本峽訛陝。據宋史改。

命措置官樊賓、王弗行之。刊本弗訛舉。考宋史樊賓、王弗係二人姓名。今據改。

訛浚。據宋史改。

帥三公九卿諸侯大夫。刊本脫帥字。據月令增。

三時務農。刊本脫務字。據國語增。

故秦苑園池。令民得田之。刊本脫田字。據漢書增。

省苑馬以振困乏。刊本馬訛民。據漢書改。

耕時。有司請行事。注。春始耕於籍田。刊本始訛秋。據後漢書改。

齊武帝永明中耕籍田。刊本明訛平。據南史改。

後魏道武帝天興三年。刊本道訛太。考天興係道武年號。今據改。

外府掌邦布之入出。案語專掌錢穀。則惟外府。泉府。刊本泉訛玉。據周禮改。高后二年行八銖錢。注更鑄榆莢。人患太輕。刊本輕訛甚。據漢書改。

或滯財後貧。轉穀數百。刊本穀訛穀。又鬻鹽。刊本鬻訛鬻。並據漢書改。

幼布。幺布。小布。小布長寸五分。刊本脫下小布二字。據漢書增。又自公卿大夫至庶人。不可稱數。刊本可訛敢。又復申下金錢龜貝之貨。刊本申訛中。又令民且獨行大錢。與新貨泉俱枚直一。刊本枚訛放。

又罰作一歲。刊本罰訛罷。並據漢書改。

平界其直。勿有所枉。刊本界訛卑。據晉書改。

聞官司賈人皆貪。比輪錢。刊本貪訛食。據晉書改。

但令官人均通。則無忠不足。刊本令訛今。據南史改。

顏竣曰。刊本竣訛峻。據南史改。

由是錢貨亂敗。刊本敗訛改。據南史改。

武帝鑄錢肉好。周郭重四銖三綮。刊本綮訛參。據漢書改。

天嘉五年。刊本天訛元。據陳書改。又多以鹽米布交易。刊本鹽訛錢。據隋志改。

後遂用楊偏計。刊本楊訛王。據北史改。

或以生鐵和銅刊本和訛私據隋志改。

或用西域金銀之錢注幕卽漫也刊本幕字訛其止二字又烏弋山離國之錢刊本離訛燕又加金銀飾其仄刊本飾訛釋並據漢書及注改。

高祖初入關民間行綫環錢刊本行訛生據唐書改。

自天寶至今戶九百餘萬刊本脫戶字據唐書增。

是時峻鉛鐵錢之禁刊本鉛訛鹽據唐書改。

宣宗卽位盡黜會昌之政刊本黜訛由據唐書改。

卷九

致堂胡氏其害豈特爲器而已刊本器訛害今改。

大錢貫重十二斤十兩刊本脫下十字據宋史增。

眞宗以是東封岱宗西祀汾睢刊本睢訛睢據宋史改。

同安監刊本同訛安據宋史改。

詔陝西河東數路引直五千至七千刊本路訛略據宋史改。

西南二泉司遣舟回易悉載金錢刊本泉訛家又遣舟訛建州又緡錢之入敵境者刊本敵訛易並據宋

史改。

舒、靳、黃州皆產鐵。注。靳州置靳春監。刊本州訛春。據宋史改。
東萊呂氏或見財貨之少。欲得放鑄。刊本放訛鼓。據唐開元敕改。

卷十戶口考

九比之數。注。冢宰職出九賦者之人數也。刊本之人二字互倒。據周禮注改。

景穆帝卽位。考景穆帝係太武太子晃。未登尊位而卒。文成帝追尊爲帝。又不承道武之後。此文誤。

北齊武成河清三年。刊本河清二字互倒。據北齊書改。

乃爲輸籍之樣。刊本脫爲字。據通典增。

通典論使人知爲浮客。刊本脫爲字。據通典增。

四歲爲小。十六爲中。刊本脫十字。據唐書增。

通典論重斂則多養贏而國貧。刊本贏訛羸。據管子改。又遂令賦有常規。注。上公計丁。刊本公訛上。據

通典改。又假名入仕。刊本仕訛任。今改。

方鎮凡四十八道。注。魏博鎮冀范陽。刊本冀訛翼。據唐書地理志改。

致堂胡氏。異。鑄聚斂。受諸道貢獻。刊本鑄訛鑄。據唐書改。

卷十一

宋亳宿穎。刊本穎訛領。又棣滄德貝。刊本貝訛具。又高郵軍。刊本軍訛鄆。考鄆已見上文。此當作軍。並據

宋史改。

荆湖北路州。鄂安岳鼎澧。刊本澧訛溫。據宋史改。

廣南西路州。桂容邕象。刊本容訛客。據宋史改。

馬氏考。故以中書備對所書元豐各路數編入。刊本豐訛封。據宋史改。

自是湖州以五丁科一疋矣。未幾又增以七千爲一疋。刊本增訛曾。今改。

乃分遣御史。廷尉。正監。分曹。卽治郡國緡錢。刊本卽訛郎。據漢書改。

佃客無過五十戶。刊本十訛千。據晉書改。

卷十二 職役考

師田行役。則以法治其政事。刊本政訛正。據周禮改。

天子復以尊爲徐州刺史。刊本復訛後。據漢書改。

和帝永元八年。刊本元訛光。據後漢書改。

太后覽而稱善。刊本后訛皇。據北史改。

簿送刺史檢署訖。鑠於令廳。刊本鑠訛鍊。據下卷改。

詔令通物力稅錢。互紐爲數。刊本紐訛細。據宋史改。

公阜迓送刊本阜訛早據宋史改。

里正案語然後知鄉職之不願爲注差人以充猶致亡逸刊本亡訛土據上卷改。

自諸侯來徙家注以其新徙刊本新訛親據王制疏改。

詔吏二千石入蜀漢定三秦者世世復刊本脫石字據漢書增。

幸汝南南頓縣刊本脫一南字據後漢書增。

豐沛濟陽案語如所謂能者服公事者刊本脫上者字據周禮增。

卷十四 征權考

石林葉氏凡民一算商賈獨倍刊本算訛等據漢書改。

率錢一萬輸估四百入官刊本估訛佑據隋志改。

卷十五

鹽百升而釜注百升之鹽刊本升訛觔又每一升加半合刊本升訛斗又齊有渠展之鹽注渠展泝水所

流入海之處刊本泝訛沛並據管子注改。

武帝元狩四年置鹽鐵官富商大賈自鑄鬻鹽刊本鬻訛鬻據漢書改。

各往往置均輸鹽鐵官刊本各訛名又脫置字據漢書改增。

鹽官凡二十八郡上郡注獨樂刊本樂訛藥據漢書改。

鐵官凡四十郡。韃爲注。武陽南安。刊本陽訛陵。據漢書改。

二曰監鹽。刊本監訛監。據隋志改。

遷樞鹽使。刊本使訛法。據唐書改。

潯貴賓梧。刊本賓訛濱。考宋史濱州在河北。賓州在廣西。今據改。

卷十六

給鹽一大席爲鹽二百二十斤。刊本上鹽字訛錢。據宋史改。

以淄、濰、青、齊、沂、密、徐、淮、陽八州軍仍歲凶災。乃詔弛禁。刊本陽訛楊。據宋史改。

持甲兵旗鼓往來虔、汀、漳、潮、循、梅、惠、廣八州之地。刊本脫潮字。據宋史增。又乃罷炳等所率羅鹽錢。刊

本炳訛扶。據上文及宋史改。

入錢麟。府州者。又減三十。刊本府州二字互倒。考宋史麟府係二州名。今據改。

廣數下逮駝畜。刊本駝訛馳。據宋史改。

東萊呂氏出於海。出於井。出於池。刊本池訛地。今改。又解池之鹽。注言安邑解縣貯鹽三千二百七十

六卷。刊本卷訛菴。據上卷改。

卷十七

公非劉氏。旁光侯殷。刊本光訛况。據漢書改。

五均賒貸。百姓所取。刊本貸訛貨。據漢書改。
於是歲遞增至六百九十餘萬貫。刊本遞訛迎。據宋史改。
孝宗隆興二年。刊本隆興二字互倒。據宋史改。

卷十八

從允恭等請刊本從訛遂。據宋史改。

神宗熙寧七年。始遣三司幹當公事李杞入蜀。刊本遣訛建。又宗閔乃議川陝路民茶息收十之三。刊本
路訛略。又川陝四路所出茶貨。比方東南諸處。十不及一。刊本比訛北。並據宋史改。

上加侵削。下益抗敵。刊本抗訛抗。今改。

收買銀及十萬兩。銅錫及四十萬斤。刊本斤訛兩。據宋史改。

卷十九

文帝後六年。稍弛其賦。刊本稍訛趙。今改。

武帝四年。初算緡錢。諸賈人未作。貫貸賣買。刊本貫訛貫。據漢書改。

乃立定價錢。應坊郭鄉村三等戶。皆三十千。刊本戶訛出。今改。

詔敕令所。叅照見行指揮。脩立成法。刊本敕訛敕。今改。

卷二十市糶考

周官泉府掌以市之征布。刊本布訛市。據周禮改。

樂語有五均。注言天子取諸侯之士以立五均。刊本土訛書。又更名長安東西市令。刊本更訛各。並據漢書改。

梓州有綾綺場。注益州市買院。刊本益訛溢。今改。

遣李元輔變運川峽四路司農物帛。刊本峽四訛陝西。據宋史改。

又收市例錢四十。刊本例訛到。又於是詔罷市例錢。刊本例訛利。並據宋史改。

卷二十一

大饑三十石。注收五之一也。刊本五訛三。據漢書注改。

後魏孝文時。秘書丞李彪上奏曰。刊本文訛莊。考所引係孝文時事。今改。又明帝神龜正光之際。刊本

光訛先。據北史改。

第五琦請天下常平倉皆置庫。刊本琦訛畸。據唐書改。

元符元年。諭民毋得與公爭糴。卽官儲有乏。括索蓄家。量存其所用。刊本乏訛之。據宋史改。

京師乏錢。支用錢百坐倉糴一斗。此極非計。刊本支訛及。據宋史改。

又令貧富相兼。十人爲保。刊本令訛兼。據宋史改。

貧者詣竄偷生。不爲遠慮。刊本詣訛詰。今改。

熙寧之法本不許抑配。而其害至此。刊本害訛言。今改。

卷二十二 貢考

包匭菁茅。注。茅以縮酒。刊本縮訛爲。據尙書孔傳改。

各以其所貴寶爲贄。刊本脫寶字。據周禮增。

以人自照見吉凶。刊本以訛如今改。

翰林學士錢徽。刊本徽訛微。據唐書改。

潁川郡。注。蔗心席六領。刊本蔗訛蔗。據唐書改。

東牟郡。注。貢牛黃百二十八兩。刊本兩訛株。據前後文牛黃皆以兩計改。

安西都護府。注。貢礪砂五十斤。刊本礪訛礪。據唐書改。

西平郡。注。特犀。刊本犀訛羊。據唐書改。

安昌郡。刊本昌訛鄉。據唐書改。

通川郡。注。楓香。刊本楓訛蜂。據唐書改。

江油郡。刊本江油二字互倒。據唐書改。

歸誠郡。刊本誠訛城。據唐書改。

雲山郡。注。今奉州。刊本奉訛秦。據唐書改。

卷二十三 國用考

一曰邦中之賦注二十而稅一刊本而訛之據周禮注改。又幣餘之賦注斥幣謂指斥與人也刊本與訛與今改。

都內之錢貫朽而不可校刊本校訛授據史記改。

鄧太后詔殺省珍費刊本鄧訛竇據後漢書改。

王鉷刊本鉷訛洪據唐書改。

李專美言於帝曰刊本脫美字據通鑑增。

六年詔諸州通判官糧料刊本料訛科據宋史改。

卷二十四

賈昌朝上言刊本朝訛期據宋史改。

蘇軾策今天下汲汲乎以財之不足爲病何以異此刊本異訛過據東坡集改。

卷二十五

徙渠不利刊本利訛到據漢書改。

開永濟渠引沁水刊本沁訛汜又置西海鄯善且末等郡刊本脫善字又來護兒刊本護訛天並據隋書改增。

由白沙趣東關。刊本趣訛起。又補署皆屬院監。刊本屬訛厲。又天德五城人不畏法。刊本五訛王。並據唐書改。

減成都水運對糴米。免四川及京西路諸州租。刊本米訛未。諸訛請。據宋史改。

東萊呂氏振武天德之間。刊本振訛鎮。又韓滉運歲米至。刊本歲米二字互倒。並據唐書改。

卷二十六

遣拊循之使。刊本拊訛持。又中戶以上。刊本脫戶字。又深思遠慮。刊本脫遠字。並據曾南豐集增。

知太原府韓絳。刊本韓訛魏。據宋史改。

東萊呂氏不至於流散。注常苦枯旱。刊本苦訛若。據漢書改。又又如富鄭公在青州。注自鄆移青。刊本鄆訛郭。據宋史改。

卷二十八 選舉考

又因舉吏治有功者。刊本脫治字。據周禮注增。

有拳勇股肱之力。刊本拳勇訛奉養。據國語改。

東漢之制。注東漢舉多士以孝廉。刊本土訛上。今改。

魯史褒貶。孔論興替。刊本替訛言。據南齊書改。又或得之輿論。刊本與訛餘。又勇進忘退。刊本忘訛忌。

並據梁書改。

卷三十

容齋洪氏直史館刊本史訛使今改。

卷三十一

不識題旨刊本旨訛者今改。

往往私買監牒刊本私訛知今改。

卷三十二

決疑獄者必傳以古義刊本傳訛傳今改。

東萊呂氏時邊讓李迪皆有名場屋案邊讓宋史作賈邊與此異。

省元朱浚明刊本朱訛先據別本改。

卷三十三

藻思精華科刊本精訛清華訛萃並據唐書改。

汪藻舉布衣劉度刊本汪訛江據宋史改。

卷三十四

東漢舉孝廉應劭刊本應訛翟考後漢無翟劭而應劭曾舉孝廉今據改。

刊本葛訛高又种高始爲縣門下史刊本史訛吏並據後漢書改。

又劉昆刊本昆訛琨又葛襲。

哀帝元年除任子令。天子亦因以習知其性，而識其才之能否。刊本識訛職。今改。

卷三十五

童科。雄並奏補童子郎。刊本脫補字。據後漢書增。

公非劉氏。慙愚無知。隻詬無節。刊本隻訛集。據漢書改。

令史。注類多小人。好爲姦利。刊本爲訛名。據後漢書改。

貢禹傳。亡贖罪之法。故令行禁止。刊本故訛固。據漢書改。

是時段熲、樊陵、張溫等。刊本類訛閻。又帝欲以羊續爲太尉。刊本續訛績。又臣之所資。惟此而已。刊本資

訛賞。並據後漢書改。

後魏明帝時。孝昌二年。刊本昌訛宣。據北史改。

卷三十六

順帝陽嘉元年。詔曰。間者以來。吏政不勤。故災咎屢臻。刊本故訛於。據後漢書改。

劉實崇讓論。至公之舉自立矣。刊本至訛出。據晉書改。

顏竣爲吏部尙書。刊本竣訛峻。據南史改。

薛琚爲吏部郎中。刊本琚訛淑。據北史改。

有犯死罪以下。刑罪以上。刊本上訛下。今改。

卷三十七

馬氏考諸屯主副千九百八人。刊本主訛生。據唐書改。

陸贄疏。則天舉用之法。傷易而得人。刊本天訛夫。據上文改。

卷三十八

不得祇書未詳。如關試時。刊本關訛開。據上文改。

詔取潤甫應制科進卷視之。刊本脫甫字。據上文增。

循例薦侯叔獻。程顥。刊本薦訛爲。今改。

卷三十九

列國有三卿。五大夫。七十二士。刊本二訛一。據王制改。

六品以下官吏。咸吏部所掌。刊本品訛部。今改。

上令公卿朝臣與房會議溫室。刊本與訛會。據漢書改。

今黜汝錄尙書廷尉。刊本黜訛出。據北史改。

才必稱位者。朝升夕進。刊本夕訛八。據北史改。

凡定考皆集于尙書省。刊本集訛習。據唐書改。

高祖武德二年。上親閱羣臣考績。刊本羣訛郡。今改。

監察御史馬周疏。次爲上下。其次爲中上。刊本上下訛中上。中上訛上下。今改。
司列太常伯盧承慶。刊本列訛刑。又寵辱不驚。考中上。刊本中訛上。並據唐書改。
致堂胡氏有所毀譽。而得之者以爲榮辱。刊本辱訛祿。今改。
李光弼。苗晉卿。刊本晉訛進。據唐書改。
孝宗隆興元年。刊本隆興二字互倒。據宋史改。

卷四十學校考

瞽宗。殷學也。注。瞽矇之所宗也。刊本脫瞽字。據禮記注增。

馬氏考。然則商之右學。在周謂之西學。刊本在訛則。據下文改。又小學在公宮南之左。刊本在訛則。據王制改。

齊八政以防淫。注。度量數制。刊本數訛教。據王制改。

小樂正學干。注。旄舞。刊本旄訛耗。據周禮改。

凡語於郊者。必取賢斂才。注。大樂正。刊本樂訛學。據王制改。又以待又語。注。令待後復論說之日。刊本

日訛曰。今改。

補文學掌故缺。刊本缺訛事。據漢書改。

昭帝舉賢良文學。刊本文訛太。據漢書改。

朱浮以國學既興。刊本國訛家。據後漢書改。

別立校舍。搜選高能。刊本立訛上。據後漢書改。

蔡邕明堂論。日中出南闈。見九侯門子。刊本闈訛闈。據後漢書改。

又詔高才生受古文尙書。刊本才訛堂。據後漢書改。

頃者頽廢。至爲園採芻牧之處。刊本爲訛於。據後漢書改。

建和初。詔諸學生年六十以上。刊本六十二字互倒。據後文改。

鴻都門學樂松。江覽等三十二人。刊本樂訛梁。又尙書陽球。刊本陽訛楊。又案語。更相告訟。無復廉恥。刊

本更相二字互倒。並據後漢書改。

獻帝初平四年。試儒生。詔白首空歸。長委農野。刊本委訛安。據後漢書改。又注。舍是布衣。被服玄黃。刊

本黃訛裳。據後漢書注改。

卷四十一

魏志王肅傳。案所引係三國志注。此傳下脫注字。

齊高帝建元四年。刊本元訛和。據南齊書改。

帝問博士李先曰。刊本先訛光。據魏書改。

卷四十二

使邪說淫辭不能爲學者惑。刊本辭訛亂。今改。

正言崔鷗言。數十年來。王公卿相皆自蔡京出。刊本十訛千。據宋史改。

容齋洪氏。二十人封子。刊本脫封子二字。據宋史及容齋隨筆增。

東萊呂氏。如光武爲諸生投戈講義。初建三廡。刊本建訛見。又其去唐虞三代學校却近。刊本近訛遠。今並改。

卷四十三

凡大合樂。必遂養老。注。於是時也。天子視學。刊本脫時字。今增。

賓朝服釋幣於行。注。行釋幣。反釋奠。略出謹入也。刊本略訛容。據儀禮注改。

大同七年。臨城公入學。時議者以與太子有齒冑之義疑之。侍中臣纘等以爲參點。回路並事尼父。刊本

義字侍字並訛議。據隋志改。

詔春秋釋奠用牲牢。其屬縣用酒脯而已。刊本脯訛酺。今改。

奚容蒧贈下邳伯。刊本蒧訛箴。據史記改。

公西與如贈重丘伯。刊本與訛舉。據史記改。

以文宣王四十四代陵廟主進士孔宜爲兗州曲阜縣主簿。刊本上主字訛王。今改。

彭衙伯秦冉。刊本冉訛甯。據史記改。

卷四十四

以文宣王五十一代孫孔文遠爲承奉郎。襲封衍聖公。刊本襲訛褒。衍訛竟。今改。
宰人以鸞刀割牲。注。左丘明以下。折分餘體。刊本左訛俎。今改。
視牲充膳。刊本視訛祝。今改。

胙肉合置一俎。注。胙肉各減正脊橫脊。刊本下脊字訛在減字上。據別本改。

卷四十五

養庶老於下庠。注。在國中王宮之東也。刊本東訛中。據王制注改。
養庶老於西序。注。西序在西郊。刊本郊訛北。據王制注改。
周禮。禮記特言春饗秋食而已。刊本饗訛養。據禮記改。
先吉日。司徒上太傅若講師。故三公人名。刊本名訛各。據後漢志改。

卷四十六

大夫七十而致仕。教其鄉里。刊本教訛老。據禮記疏改。
班固食貨志。同我婦子。刊本婦訛父。今改。

開元二十六年正月十九日敕。刊本敕訛赦。今改。
白鹿洞建學館。以李道爲洞主。刊本李訛本。今改。

卷四十七職官考

下大夫遂師四。刊本四訛二。據周禮改。

中士馮相氏二。刊本二訛一。據周禮改。

下士司裘四。刊本裘訛喪。又服不氏一。刊本不訛若。又馭夫四十。刊本四十二字互倒。又赤芘氏。刊本芘訛友。並據周禮改。

卷四十九

宰相注彥回。宋明帝時爲侍中。又周舍卒。刊本卒訛本。據通典改。又然而爲宰相秉朝政者亦多爲侍中。刊本而下衍一字。今刪。

卷五十

典儀初用人皆輕。至貞觀李義府爲之。刊本府訛甫。今改。

卷五十一

通事舍人十六員。承旨宣傳。刊本承訛丞。據通典改。

集賢殿自漢延熙至隋唐皆秘書掌圖籍而禁中之書時或有焉。刊本禁訛掌。據通典改。尚書省神麿元年注宜盡寫其事意以付公車。刊本車訛重。據通典改。

卷五十二

吏部尚書以能詔言以久奠食刊本食訛事據周禮改。

度支郎中晉有度支注。量計運漕決定廟算刊本量計訛運司廟訛妙據通典改。

卷五十三

御史大夫此皆爲三公注。非漢舊大夫之任刊本舊訛曰據通典改。

卷五十五

宗正卿若有犯法當髡以上音釋髡枯昆切刊本枯訛曰據集韻正韻改。

卷五十七

國子博士後漢博士凡十四人注。易施孟梁丘京氏刊本丘京二字互倒今改。

卷五十九

雜號將軍奮威注。漢武帝以田千秋爲之刊本田訛任據通典改。

卷六十三

郡太守三國時有郡守注。倉舒愛子之寵刊本愛訛受據通典改。

卷六十四

光祿大夫以下宋元豐更官制刊本官制二字互倒今改。

卷六十六

官品比六百石。注。月六十斛。刊本六十二字互倒。據通典改。
四百石。注。月五十斛。刊本五訛三。據祿秩篇改。
斗食。刊本食訛石。據祿秩篇改。

卷六十八 郊社考

陳氏推此則圜丘之上。王北鄉可知也。刊本推訛惟。今改。

帝牛必在滌三月。注。此覆說上文。刊本覆說二字互倒。據注疏改。

太史大祭祀。注。太史讀禮書。刊本讀訛公。據注疏改。又春官。刊本春訛天。據周禮改。

卷七十一

蘇軾言古者一歲祀天者三。刊本三訛二。又以救寧上下神祇。刊本救訛億。並據蘇軾集改。

卷七十四

太常卿引皇帝立於南方北面五方帝之前。刊本脫前字。據通典增。

卷七十七

大雩帝用盛樂。注。其雩祭五天帝。則於國城南。刊本雩訛爲。據注疏改。

穀梁傳。君親帥諸大夫道之。而以請焉。刊本帥訛師。今改。

馬氏考。周禮小祝。小祭祀。逆時雨。寧風旱。刊本時訛風。據周禮改。

將祈有司筮日如別儀注就祈及祭同刊本祭訛祭據通典改。

卷七十八

以玄璜禮北方注上宜以蒼璧下宜以黃琮刊本黃訛璜今改。

其帝太皞注古尙書說刊本說訛曰今改。

太史令郊社令設青帝靈威仰注黃帝含樞紐刊本含訛令今改。

卷八十一

拜日於東門之外注北面詔明神既盟則貳之刊本貳訛藏據周禮改。

卷八十二

陳氏齊侯致千社於魯刊本致訛置據左傳改。

共工氏之霸九州也注共工氏無錄而王刊本錄訛祿據漢書志改。

卷八十三

以狸沈祭山林川澤注疏曰廢縣祭山之名也刊本疏訛注據注疏改。

卷八十五

飲酒於序注民內有爲一命以上必來觀禮刊本一訛二據注疏改。

祭祀先卜注巫咸作筮卜未聞其人也刊本筮卜二字互倒據注疏改。

卷八十八

天子不舉伐鼓於社。刊本社訛朝。又不有大過。天其天諸。刊本天訛妖。並據左傳改。
笙師掌教。歛筮。音釋。歛。昌垂反。刊本垂訛葉。今改。

春秋祭酺。注。閭胥各掌其閭之徵令。刊本徵訛政。據周禮改。

疾病乃行禱乎五祀。注。士喪禮。刊本土喪禮三字。訛儀禮禮記四字。據儀禮改。
當武王邑。姜方震太叔。注。成王之弟叔虞也。刊本脫虞字。據注疏增。

卷八十九

帥師者受命於廟。注疏曰。釋天云。刊本天訛文。據注疏改。

卷九十

雍菅廟祠亦有社主。刊本菅訛營。據史記漢書改。

卷九十一 宗廟考

措之廟立之主。注。藍田呂氏。刊本田訛曰。今改。

卷九十二

西山真氏竊其書奏焉。刊本竊訛窮。據後漢書改。

卷九十四

或難以僖祖無功業。刊本僖訛禧。據宋史改。

卷九十五

靈帝以河間孝王曾孫解瀆侯卽位。刊本瀆訛犢。據後漢書改。

卷九十六

楊氏獻之屬莫重於裸。刊本獻訛祭。據禮記改。

中夏教芟舍音釋。中音仲。下同。刊本下訛夏。今改。

仲尼嘗注。詳見宗廟祭祀總義。刊本詳訛羣。今改。

陳氏禘一輻一裕。注。皇氏謂虞夏禘祭。每年爲之。刊本謂訛讀。據注疏改。又楚語觀射父曰。刊本觀射

二字互倒。今改。

以鑿取明水於月。注。謂以明水修滌。黍盛。刊本修訛滌。又加次席黼純。注。次第行列有成其文章。刊本行

訛成。並據注疏改。又凡樂事大祭祀宿懸。刊本樂訛祭。據周禮改。

以裸賓客。注。裸之言灌也。或作裸。刊本裸訛裸。據注疏改。又凡裸事沃盥。注。以水盥手。刊本手訛水。今

改。

太宰贊玉爵。注。爵用玉琖。刊本玉訛五。今改。

量人凡祭祀制其從獻脯燔之數量。刊本祀訛祝。據周禮改。又注。故後鄭據此。刊本後訛從。今改。

祀先王亦如之。注。卒爵。祝受之。又酌授尸。刊本之訛尸。又酌訛尸。酢。並據注疏改。又鬱人大祭祀。注。少牢。刊本牢訛年。今改。

楊氏諸侯爲賓者。刊本侯訛臣。今改。

然後飯腥而苴熟。注。上古未嘗有火化之法。刊本火化二字互倒。今改。又冬則居營窟。注。暑則聚薪柴。

居其上。刊本其上訛古也。據注疏改。又然後修火之利。注。熟治萬物。刊本冶訛治。又見閒以俠。音釋。

俠。古洽反。刊本反訛瓦。今並改。

夫人副禕立於東房。注。大宗伯代夫人行禮。執璋瓚。刊本璋訛圭。據注疏改。

醢人羞豆之實。注。糝取牛羊豕之肉。刊本糝訛稻。據注疏改。

卷一百

魯祭周公何以爲盛。注。后薦饋獻豆籩。刊本饋訛饌。據注疏改。

卷一百一

夫人副禕立於房中。注。諸侯夫人則自禕翟而下。刊本夫人訛大夫。據注疏改。

今輒先舉衆議之非。然後申明其說。刊本後訛而。據注疏改。

卷一百三

其子曰農。能殖百穀。注。柱作農官。因名農是也。刊本因訛周。是訛後。據注疏改。

卷一百四

國君下齊牛注。曲禮下。刊本下訛上。今改。

卷一百五

庶子不祭殤與無後者注。無後者。謂昆弟諸父也。刊本謂訛諸。據注疏改。
若宗子死注。今直云祭於家。刊本今直訛子且。據注疏改。

卷一百六 王禮考

此外五百里曰侯服注。六服相距方七千里。刊本千訛十。又加纁席注。纁席。削蒲蒻展之。刊本削訛則。今並改。

卷一百十

遂以蒐田注。掌大田役治徒庶之政令。刊本大訛火。據周禮改。

卷一百十一

續衽鈎邊注。續或爲裕。刊本裕訛俗。今改。

卷一百十九

皇太后皇后鹵簿注。執稍弩弓箭而行。刊本行訛已。今改。

卷一百二十

太保暨芮伯注。冢宰及司徒皆進。相揖定位。又皆再拜稽首。刊本相揖下復衍相揖二字。又脫稽首二字。今並刪增。

卷一百二十三

敬事供上曰恭。刊本供訛恭。又尊賢敬讓曰恭。注。敬有德讓有功。刊本功訛敵。又賞慶刑威曰君。注。能行四者。刊本者訛也。又小心畏忌曰儆。注。思所當忌。刊本思所當忌。訛知難而退。又甄心動懼曰頃。注。甄精。刊本精訛情。又恭已鮮言曰靖。刊本鮮訛解。又凶年無穀曰荒。刊本荒訛糠。又有威而敏行。刊本敏訛繁。又名與實爽曰繆。刊本繆訛終。又服遠爲桓。刊本桓訛袒。並據周書及史記正義改。

執褻器以從遣車。注。故旣夕禮用器之中有盤匱。刊本中訛巾。據注疏改。

及墓。啓關陳車。注。惟據乘車道車。刊本下車字訛中。據注疏改。

詔相喪祭之禮。注。日中而虞。刊本中訛也。據注疏改。

卷一百二十四

文帝治霸陵。注。山下川流。刊本山訛上。流訛淹。據史記改。

卷一百二十五

昔堯葬穀林。通樹之。注。市廛不變其肆。刊本市訛布。據呂氏春秋改。

卷一百三十一 樂考

夷則一部二十七律。刊本部訛律。今改。
鼻氏爲大鐘。刊本大鐘二字互倒。今改。

卷一百三十二

姑洗變半一毫一絲。刊本一並訛二。據律呂新書改。
應鍾一初四杪。刊本杪訛絲。今改。
酉一萬九千六百八十三分。刊本脫分字。今增。

卷一百三十三

審度。今略舉諸代尺度。刊本脫舉字。今增。
國家萬邦咸乂。刊本乂訛入。今改。

卷一百三十四

大金鏡。執而鳴之。以止鼓。刊本止訛上。今改。
宮城內却敵樓。用鼓磬。刊本內訛初。今改。

卷一百三十五

陳氏大墳。謂之蹠。刊本蹠訛蹠。據爾雅改。

卷一百三十六

其聲噍殺明烈。刊本烈訛列。據唐書及羯鼓錄改。又臨軒奏擊神思自得。柳杏頓坼。刊本坼訛折。據羯鼓錄改。

卷一百三十七

琴瑟中論注第十二絃應鍾中。刊本二訛一。今改。

使大樂令彭雋費曲頸琵琶。刊本費訛賚。今改。

鄭中丞嘗彈小忽雷。偶匙頭脫。送崇仁坊趙家修治。刊本偶匙訛遇時。送訛逸。並據段安節樂府實錄改。

卷一百三十八

陳氏歌者在上。匏竹在下。刊本竹訛者。據禮記改。

陳氏箱笛三尺八寸。鍾宗之減爲三尺七寸。奚縱又減五分。案通志五分作三寸三分。與此異。

卷一百三十九

有柄連底桐之。刊本桐訛桐。據樂書改。

卷一百四十

陳氏周之升歌。刊本升訛聲。今改。

又上親祠二舞之制。文舞六十四人。刊本下舞字訛武。今改。

卷一百四十二

宋梁間曲。宋世荆雍爲南方重鎮。刊本下宋字訛宗。今改。

卷一百四十四

陳氏渠思文也。刊本思文二字互倒。今改。

卷一百四十五

杜氏宋鮑照又有舞鶴賦。刊本舞鶴二字互倒。據文選及通典改。

四室曰昭德之舞。刊本舞下衍一後字。今刪。

武曰成功之舞。刊本武訛舞。今改。

卷一百四十七

漢有魚龍曼延。刊本曼訛蔓。今改。

詔六州改名崇明祀。十二時改名稱告禮。刊本脫時字。據上乾德四年六州十二時句增。

卷一百四十八

東漢明帝永平中。朱輔爲益州刺史。刊本朱輔訛宋鋪。據後漢書西南夷傳改。

卷一百四十九 兵考

畿方千里爲百里者十。刊本百訛千。今改。

其爲舟師以待吳寇。注蓋楚雖以備吳置舟師。而卒莫能勝。刊本吳訛舟。今改。

韓北有鞏洛成臯之固。刊本北訛氏。據戰國策改。

稍正講武之禮。以爲戲樂。而秦更名角抵。刊本名訛各。據漢書改。

卷一百五十

山齋易氏。黃霸尹京兆。劾乏軍興。連貶秩。刊本興訛典。據漢書改。

一月一更。爲卒更也。刊本卒更二字互倒。又三日不可往便還。因便住。刊本住訛往。並據漢書注改。皆擇其邑之賢材有護注。今流俗書本護字作讓。刊本讓訛護。據漢書注改。

章氏。期門羽林皆家世爲之。則長從始此。刊本始訛如。今改。

卷一百五十一

州兵未宜約損。以示單虛。刊本脫示字。今增。又天下遂大亂。如濤所言。刊本如訛乃。據資治通鑑改。

分荆湘江豫州八郡。刊本八訛之。今改。

轉相模習。專事聚斂。刊本脫轉字。今增。

卷一百五十二

除河朔三鎮外。太原青社各十萬人。刊本社訛杜。今改。

以祖宗所養之兵。視今數之多少。刊本少訛方。今改。

卷一百五十三

司馬光疏長史侍衛軍單寡刊本寡訛募今改。

蘇軾疏盜賊已覺衰少刊本脫衰字據蘇軾集增。

率數人驅一壯夫且曳且毆刊本數訛教今改。

遇有盜賊晝時追捕刊本晝訛晝今改。

詔种師中下統制將佐並各特降五官刊本特訛付今改。

卷一百五十四

又招集流散立成部伍刊本部訛都今改。

容齋洪氏唯堆塚之日以疾不趣赴者其害甚重刊本堆訛推今改。

葉適應詔兵論盡用衰世哀刻之術取於民以啗之刊本啗訛陷今改。

卷一百五十五

典謁書郎更直執戟刊本更訛吏今改。

爲左右英武軍注易其軍號而任勳舊焉刊本任訛無今改。

周廣順元年刊本順訛德據通鑑改。

驍勇者爲上軍老弱者爲剩員刊本剩訛刺今改。

自高俅得用軍政遂弛刊本俅訛祿又世忠俊傳等並爲總制官刊本脫官字今並改增。

在京所管捧日、天武、拱聖、驍勝、騎勝。刊本脫上勝字。今增。

卷一百五十六

止齋陳氏。三司禁旅。就糧州郡。注。如及二三十人。便須聞奏。刊本及訛加。今改。
二以爲隊長。三守關中將。刊本中訛軍。今改。

卷一百五十七

百步則一爲三表。刊本脫一字。據周禮增。

使子文治兵於睽。注。睽。楚邑也。刊本楚訛樊。今改。

有司乃逡巡射牲。刊本射訛躬。據後漢書改。

帝躬擐甲介馬。稱無上將軍。刊本馬訛焉。據後漢書改。

隋大業七年。征遼東。注。大鼓。小鼓。及鼙。長鳴。中鳴。等各十八具。刊本具訛其。又使人交相去來。刊本去訛

云。今並改。

三帥卽中軍。前後軍帥之別名。而馬步軍都虞候。是爲二虞候。刊本而訛四。今改。

紹熙二年。刊本熙訛興。今改。

卷一百五十八

昔周伐鄭。鄭爲魚麗之陳。刊本脫一鄭字。今增。又以兩之一卒適吳。注。成七年。刊本七訛十。據左傳改。

吳城邗溝通江淮注東北通射陽湖刊本湖訛潮今改

公孫述遣其將田戎等據荊門刊本田下衍一王字據後漢書刪

吳建平太守吾彥刊本吾訛吳據晉書改

文育乘單舴艋刊本單訛軍今改

晉王募能破臄臄者刊本者訛若今改 又親將王建刊本王訛李據五代史改

卷一百五十九

歲獻天馬二疋刊本天訛大今改

能家蓄十馬以下免帖驛郵遞刊本下訛不帖訛站又乃以隸銀川監刊本脫以字今並改增

卷一百六十

常以博馬茶錦不堪藉口刊本口訛曰今改

若鹽無闕失則部良馬至行在以酬之刊本若鹽無訛家屬遇今改

卷一百六十一

熊虎爲旗刊本虎訛皮據周禮改 又師都建旗注師都六鄉六遂大夫也刊本鄉訛卿據注疏改

凡亡失者弗用則更刊本弗訛勅據周禮改

囊之欲其約也注囊甲而見子南刊本複衍一見字據春秋傳刪

水析灑則審環。注。雖其乾稍遲而漆愈老則堅固也。刊本老訛堅。據周禮注改。又往體來體若一。注。審
曲面勢。夾庾反。張。刊本庾訛庚。今改。又其次筋角皆有灑。刊本角訛力。據考工記改。
具蘭石布渠荅。刊本具訛且。今改。又若夫平原易地。輕車突騎。刊本車訛重。據漢書改。
詔不以常制選官。刊本不訛下。今改。

卷一百六十二 刑考

凡命夫命婦不躬坐獄訟。刊本脫訟字。據周禮增。

異其死刑之罪而要之。二句而職聽於朝。刊本脫職字。據周禮增。

凡民同貨財者。刊本脫貨字。據周禮增。又注。同貨財。謂合錢共買者。刊本脫貨字。合字。據周禮注增。

髡者使守積。注。髡當爲完。謂但居作三年不虧體者也。刊本謂訛請。據周禮注改。

郵罰麗于事。刊本罰訛罪。又奇技奇器。刊本脫下奇字。並據禮記改增。

今爾罔不由慰日勤。刊本今訛命。據尙書改。

杜民政墮俗微。刊本微訛訛。據通典改。

殺大臣蒙毅等公子十二人戮死於市。刊本脫公子二字。據史記增。

卷一百六十三

案語。減死一等。卽止於髡鉗。進髡鉗一等。卽入於死。刊本脫進髡鉗三字。今增。

上林詔獄注。漢舊儀云。刊本舊訛書。今改。

卷一百六十四

事類雖同。輕重乖異。刊本脫事字。今增。又取其可用合科者。以爲郵驛令。刊本脫驛字。據晉書增。獨其苛令。歸於益時。刊本歸訛存。又採其根芽之微。致之機格之上。刊本格格略。並據晉書改。劉頌復肉刑表。故自頃年以來。姦惡陵暴。所在充斥。刊本脫年字。據晉書改。法之不一。是謂多門。刊本一訛。以據晉書改。

刑法峻重。非勾踐養胎之義。刊本義訛議。又截頭絞頸。尙不能禁。刊本能訛刑。並據晉書改。

卷一百六十五

其尙書當錄入之月者。並與尙書參共錄之。刊本脫當字。今增。若坐過誤罰金。刊本脫坐字。今增。

詔諸州死罪不得便決。悉移大理案覆。刊本脫大理二字。今增。

卷一百六十六

廣州都督裴佖先。刊本佖訛伸。據唐書改。

刑殺罪人。皆給喪葬。行人載于城外。刊本載訛皆。今改。

稽留大獄。久而不決。刊本決訛改。今改。

衛尉卿刊本衛尉二字互倒今改。

卷一百六十七

四年十二月注。時神宗已卽位。刊本神訛仁。據通鑑改。

命有司編司敕令。刊本脫敕字。又違敕之法重。刊本違下行一法字。並據宋史增刪。

刑部言佃客犯主。加凡人一等。刊本脫人字。今增。

梁燾字況之。以況爲兄。故曰昆。刊本脫梁字。又脫上況字。據宋史增。

卷一百六十八

其奴男子入於罪隸。注。斐豹隸也。刊本斐訛斐。據左傳改。其不能改而出園土者殺。刊本脫改字。據周

禮增。

爲百官積任器。刊本官訛門。據周禮改。

其守王宮與其厲禁者。注。身旣從戮。男女緣坐。刊本女訛子。據周禮疏改。

詔當配沙門島者。第配廣南遠惡地牢城。廣南罪人乃配嶺北。刊本牢城下復衍廣南遠惡地牢城七字。

據宋史刪。

庶幾州郡黥配之卒。自此漸少。刊本脫郡字。今增。又檢照元豐刑部格諸編配人。刊本配訛記。據宋史

改。

卷一百六十九

以三刺斷庶民獄頌之中。刊本之訛事。據周禮改。

孝景中五年。詔諸疑獄。刊本疑下衍一若字。據漢書刪。

定律著令。刊本脫定律二字。又然從變改以來。年歲不熟。刊本從訛後。又易十二月君子以議獄緩死。刊

本二訛一。又其立春在十二月。中者。刊本者訛書。並據後漢書改。

欲開其相告以出造惡之身。睦父子之際。容可悉共逃亡。刊本際訛至。悉訛息。並據宋書改。

賣七歲女子與張迴。迴轉賣與梁之定。刊本脫下賣字。據魏書增。

何得同宮掖之罪。齊奚官之役。刊本掖訛振。又在室之女從父母之刑。刊本父母二字互倒。又况姦私之

醜。豈得使同氣證之。刊本况訛法。又脫豈得二字。並據魏書改增。

卷一百七十

錄奏敕依得宗君哲狀。刊本敕訛赦。據通典改。

詔諸道州府應大辟罪決訖。錄其案。刊本訖訛論。今改。

初登州言有婦阿云。於母服嫁章。刊本脫阿字。據宋史增。

卷一百七十一上

愚以爲此使死罪贖之效也。刊本效訛敗。今改。

贖二歲刑者金一斤。刊本二訛六。又男子六疋。刊本六訛一。並據通典改。
自今犯罪用祖父親屬蔭減贖者。卽須祖父曾任本朝官。刊本本訛望。據宋史改。

卷一百七十一下

七月征英布。刊本英訛央。據史記改。

致堂胡氏。施行寬宥。布宣惠心。刊本心訛必。今改。

卷一百七十二

玄宗卽位。八月赦天下。注。卽神龍三年。改先天元年。案唐書睿宗在位三年。改元者四。景雲、太極、延和、先天。先天元年。玄宗卽位。明年改元開元。與神龍無涉。且神龍止有二年。此誤。

卷一百七十三

張允駁赦論。名器僭濫。刊本僭訛潛。今改。

卷一百七十四 經籍考

伏羲始畫八卦。注。鄭玄云。刊本脫云字。據釋文增。

溫柔敦厚。注。皇氏云。刊本云訛六。據禮記疏改。

明於數。係於末度。刊本數訛教。據莊子改。

西漢儒林傳序。六學從此闕矣。刊本六訛文。據漢書改。

西漢藝文志序戰國從衡音釋從音子容反刊本子訛於據漢書注改。又侍醫李柱國刊本李訛學據漢書改。又今刪其要以備篇籍注刪去浮冗刊本冗訛況據漢書改。

一人不能獨書其經刊本不訛亦據漢書改。又傳或間編音釋間音古莧反刊本莧訛竟據漢書注改。又魯國桓公刊本桓訛栢據漢書改。

詔諸儒正定五經刊本於石碑注揚龍驤洛陽刊本驤訛驟。又小乃制爲膝囊音釋音徒恒反刊本恒訛但。並據後漢書注改。

采掇遺亡藏在秘書中外三閣刊本閣訛國據隋志改。

魏文帝漢更集經典刊本脫經字。又遣秘書郎鄭默刊本脫秘字。並據北史增。又今御書單本合一萬五千餘卷刊本書訛出據隋書改。

又有姚文安秦道靜初亦學服氏後兼更講杜元凱所注刊本講訛請據北史改。其餘以實秘書內外之閣刊本閣訛問據隋志改。

給上谷墨三百六十九刊本丸訛凡據唐書改。

容齋洪氏雜書古詩賦又不及具錄刊本具訛其今改。

葉氏過庭錄徐廣刊本廣訛盛據南史改。

云受孟喜爲名。注名之者。承取其名。刊本脫下名字。據漢書注增。

延壽名翰。刊本名訛字。又分六十四卦注。一爻主一日。刊本主訛王。並據漢書改。

鼂氏讀書記。乾建甲子。刊本建訛坤。據玉海改。又翟牧白生者。刊本翟訛瞿。白訛自。又易家大略同。惟京氏爲異。刊本大略訛不相。惟訛皆。並據漢書改。

容齋洪氏。包失魚。注云有其魚。故失之也。刊本云訛二。下魚字訛漁。據容齋隨筆改。

陳氏。多援漢魏以前諸家說。刊本援訛授。今改。

鼂氏。慶歷初。吳秘獻其書。刊本秘訛彬。據下卷改。

鼂氏。皇朝徐庸撰。庸以春秋凡例。易亦有之。刊本脫庸以二字。據舊本增。

卷一百七十六

陳氏。卦爻有不同而辭意未嘗不一。各立標目。總而聚之。刊本未訛固。各訛名。據舊本改。

陳氏。敷陳五十有五之數。刊本敷訛收。據舊本改。

陳氏。秘閣修撰鄱陽張根。刊本根訛輒。據宋史改。

陳氏。鼂公武子止撰。刊本公訛氏。今改。

卷一百七十七

石林葉氏。出於伏生者。初三十三篇。刊本下三字訛二。據尙書正義改。又他經專門。刊本他訛也。據舊

本改。

唐志二十五家注。王元感以下不著錄。刊本著訛注。據唐書改。

博引異言。援經而申證之。刊本言下衍授字。今刪。

鼂氏。蘇德融。刊本融訛庸。據唐書及尚書正義序改。

改從隸書。刊本隸訛穎。今改。

鼂氏。費誓。秦誓。刊本秦訛泰。今改。

陳氏曰。訓詁曰。差牙。刊本牙訛牙。今改。

卷一百七十八

歐陽氏。逸詩何可數也。注。章刪其句。句刪其字。刊本脫一句字。今增。

朱子。其時世名氏則不可以強而推。刊本脫名字。據朱子辨序增。

馬氏考。皇帝二載秋。刊本秋訛初。據杜工部集改。又或曰。文公之於詩序。刊本曰訛有。據舊本改。

卷一百七十九

唐志二十五家注。許叔牙以下不著錄。刊本牙訛才。據唐書改。

卷一百八十

漢藝文志注。師古曰。刊本脫曰字。今增。

隋經籍志。後漢惟曹元傳慶氏。以授其子褒。案元後漢書作充。唐志六十九家注。元行沖以下不著錄。刊本著訛注。據唐書改。

鼂氏儀禮先冠婚。刊本脫禮字。今增。

陳氏王莽時。劉歆置博士。刊本脫劉字。據舊本增。又其他繁碎駁雜。刊本他訛地。今改。

穎濱蘇氏相距皆百里千里之方。刊本千訛十。今改。又商爵之等。刊本爵訛野。據王制注改。又子男

之國爲之徙者十有六。刊本徙訛徒。今改。

五峯胡氏冢宰當以天下自任。刊本當訛常。據舊本改。

案語貸與之而不能償。刊本與訛無。據舊本改。



著者 (清) 王太岳撰 書碼 082·47
 Author Call No. 7437
 書名 四庫全書考證(十七) 17
 Title

登錄號碼 007487
 Accession No.

月日 Date	借閱者 Borrower's Name	月日 Date	借閱者 Borrower's Name

國立中央圖書館

082·47

007487

7437

書碼 17

登錄號碼

國立中央圖書館



0007487



47

籍